

潼關縣新志

卷之下
縮青署

地
170.159
42
12



人物志

明孫雄字世傑山東鄒平縣人昆弟三伯仲俱事明太祖陣亡雄隸燕京事成祖以靖難功官羽林指揮及定關中命雄守潼關雄稽首曰臣起行伍効犬馬微功賴陛下超拔至此今幸備宿衛近日月之光老死輦下無復恨奈何棄之於遠帝笑曰吾以汝爲萬里長城也行且詔汝矣於是乘傳至關繕甲兵練士馬督屯農廣儲蓄舉廢政剷夙弊兵民樂之雄嚴重有威勝妾莫敢仰視子女不得衣帛寮采有失則曲加規勸無過言焉

姚厚明初以軍功授世職封昭勇將軍永樂二年上以潼

潼關縣新志

人物志

關中原要地調掌潼關衛指揮使命每歲入朝賜予獨厚秦王入朝夜至關左右呼門甚急厚曰朝廷禁門深夜不得啟王怒止關外至京奏曰姚指揮慢朝廷夜不容臣入關上笑頷之旬日厚來朝上問秦王事厚奏曰潼關國家重地臣止知陛下不知秦王也上顧左右曰姚指揮真鎖鑰之臣也賜寶鈔又嘗獲奸人撒伏臆斬之言官劾厚上曰斬奸人則軍威振置不論永樂十八年卒上悼惜之遣官賜葬祭子深好學明理襲指揮使以功陞指揮同知宣德中鎮守寧夏邊寇內犯深斬獲甚衆捷聞賜錦衣白金名馬褒之潼關舊無學奏建學宮規制悉備衛人德之祀

鄉賢深子琮襲指揮掌衛事讀書好古督學楊新都亟稱之成化十年衛學遭水患琮疏奏遷學於西城故營其地高於舊址躬率僚屬鳩工庇材宮廡一新蓋能世濟其美云王儀千戶盛子襲職屢以戰功陞指揮僉事宣德元年隨成山侯征交趾戰於寧橋陣亡

王楨江南懷遠人以父功廢千戶鎮潼關正統二年隨姚指揮深甘州剿賊戰莊浪死之七世孫應乾以武舉襲千戶官至守備戰瀋陽亦陣亡

楊伯通性孝友母歿與弟伯順同廬墓側日夕哀號有慈烏飛鳴助哀服闋還家烏亦隨之栖庭樹人以為孝感正

潼關縣新志

人物志

二

統八年旌表建坊

孫廉字介夫雄曾孫十歲爲諸生以世職襲守備練達政務兵備爲之一新衛吏蔡廣舞文置諸法廣死獄中無怨言乙巳歲飢人相食廉白方鎮得粟萬石銀五千兩以賑歷任三十年老而彌慎修預備倉積粟三千餘石以待賑卹建試院號房三十餘楹社學生貧者資以衣粟士卒有疾給以醫藥貧不能葬助以棺槨見捕禽獸者買而釋之有烏銜金鳳投簾前若相報然以父善鼓琴聞琴輒垂涕自奉儉約不置產業不蓄媵妾後以疾致仕優游十餘年正德丁丑秋七月疾革群鳥飛集庭樹哀鳴久之謂子大

經大縉曰吾將逝矣遂卒大經字天常弘治舉人南陽清軍同知釐清餉弊聽訟明決如神以軍功遷南京清吏司員外郎遭父喪歸值子承宣忤太監黃玉玉劾大經父子下獄事白除南京戶部員外郎掌鳳陽糧儲革除奸弊軍民頌之遷光祿寺少卿卒

姚勝祖厚五世孫襲指揮使掌衛印祀鄉賢

張潛本衛指揮使正德七年白牙寇亂率士兵與賊戰斬首甚衆會大風作爲賊伏兵害事聞廢子都指揮僉事祀

鄉賢

予按白水古名彭衛此作白牙疑誤

關鍵指揮珍子正德七年白水賊石江作亂與弟鋒鐸往

潼關縣新志

人物志

三

征斬石江追敗賊入山大風忽作鍵遇伏死鋒鐸奮勇大戰斬首百餘俱死兄難白水縣建延恩祠祀焉事聞加鍵指揮同知封懷遠將軍祀鄉賢五世孫寬好性命之學博通五經受業者百餘人以貢生任安定訓導保安教諭值民變殺知縣羅日章檄寬署縣事諭以禍福凜以國法民遂安輯邑人感之入祀名宦祠

盛德本衛指揮嘉靖二十九年礦寇猖獗公率兵擊之兵潰公奮力戰遂爲賊害廢子加一級後以子孫貴贈太子太保禮部尙書祀鄉賢

朱庠漢中府教授天性純孝父卒三日始食起臥柩側不

入私室既葬廬墓負土封圻三年乃歸哀毀幾殉事聞扁其門曰孝行之家祀鄉賢

孫承宣本衛指揮嘉靖三年修學有功祀鄉賢

孫承光性孝友十三歲入庠數入棘園不售以恩貢授獲嘉縣丞躬率百姓開荒千餘頃直指使者首薦陞沔縣知縣治聲卓越祀鄉賢

盛訥辛未進士吏部右侍郎兼侍讀學士幼從馬文莊公學性仁孝年十七洛南盜起父都尉德戰賊被害公勺水不入口力請兵剿賊誓不欲生爲銓曹銓政肅清主試最稱得人封倭之議抗言內治上嘉納之所著有玉堂日記

潼關縣新志

人物志

四

定敏軒集諡文定祀鄉賢

李文煥字肖亭汝杜子職襲指揮掌衛印有惠政先是衛官編審丁口率憑胥吏滋弊文煥親定準則得其實數衛學舊無廩膳文煥籌款供諸生膏火又以丁差之美供膳夫廩膳乃立均田令下胥吏計不精緻籽粒增舊五千石折色銀增五百兩已咨部文煥力請於上卒得覈正凡有不便於民者悉爲更除在任十五年衛人德之七十二屯皆建祠祀焉遷山西太原府掌印都司封昭勇將軍

周文盛字時中宏治貢生正德間官壽州通判甫下車值久旱復大水祈禱有奇應檄監正陽鈔關利府也絲毫無

染關有豪商汪強專關利且健訟文盛嚴懲之關人畏服
改山西苛嵐州判一月間政法大修署興縣知縣適有賊
衆據偏頭寨劫寨民民皆洵懼文盛單騎詣寨民爭出自
辨全活甚衆第四子鳳翔官廣西靈川縣主簿亦以清廉
著稱

劉天惠萬曆舉人官山東單縣知縣陞淮安府同知俸滿
將遷淮民叩關挽留蒙允加四品服俸

陳瓚以貢生授岷州訓導陞大邑知縣清正和平惠義兼
盡革除火耗纖芥不染力行教化幾致無訟民有青天之
頌

潼關縣新志

人物志

五

張維任萬曆辛卯舉人以巫山令擢御史巡按河南河捕
官倍調夫役公疏置重典巡鹽兩浙鹽法正敝公調議力
塞弊竇又疏錄方正學後陞大理卿致仕潼河泛漲多爲
民害公出資築石堰人號張公堰建明新書院置學田百
畝教育一鄉又疏增衛庠廩十石里人德之爲立祠丙寅
以蠲俸助餉敕建坊曰宸翰褒忠祀鄉賢

趙世德萬曆癸未進士兵部主事監督永寧合江兩道繕
甲治器勞伐懋著祀鄉賢

盛以弘字子寬文定公子萬曆戊戌進士以翰林院檢討
歷官國子祭酒以史才爲己任神宗末引疾歸光廟起吏

部侍郎核名實抑躁競起用廢棄諸賢熹廟充日講官因
事開導上帝鑑圖說於講筵時有奉天母教進自鳴鐘者
力疏斥之時魏瑞竊政朝紳多趨附之公正色立朝故不
得以閣臣用晉禮部尙書歸里卒公性孝友嚴取與一介
不苟兩世宗伯家無長物人嘆稱之著有紫氣亭集鳳毛
館帖祀鄉賢

王之臣萬曆乙未進士爲諸生時指揮李文煥一見卽有
國士之目由知縣洊擢山西赤城道以邊才陞宣大巡撫
晉兵部尙書經畧薊遼繼復代袁崇煥督師遼陽值關外
殘破之餘初無僨事其才略有過人者世顧以依附魏閣

潼關縣新志

人物志

六一

薄之然吾觀公之官諸城也曾以忤權貴故左遷州判豈
其先後易操歟蓋自古功名之士往往熱中晉用或不憚
隱忍屈節者有之相如見擢於繆賢江陵納交於馮保雖
賢者有所不免他又何責固不得與崔呈秀許顯純輩黨
奸嫉正者相提而並論也

孫振基辛丑進士爲黃縣令禁鬪狼釋冤獄歲饑躬視粥
廠稅監鴟張鄰境獨不能撼振基調繁罷額外徵流移來
復千餘家禦寇有方多解去爲給諫上疏請罷稅監上嘉
納之每疏言多訐直外轉按察晚歲致仕家居深慨本衛
雜費無有定額苦不堪言卽鳴之當道均定徭役民喜更

生各屯建祠著有掖垣獻納祀鄉賢

孫必顯字意白振基子進士官戶部主事遷文選司郎中以忤魏忠賢削爲民莊烈帝卽位起原職條陳八事上嘉納之考功司程國祚劾其把持銓政降山西按察司經歷請假歸里假滿還都途出歸德遇流賊薄城下必顯糾內官令守者環射之賊潰却登陴者始有固志賊過江浦必顯復助守石城以功遷南京考功司郎中陞尙寶司丞轉大理寺丞陞兵部右侍郎時以都門戒嚴召對稱旨旋以疾卒上深惜之賜葬祭著有掌銓疏略

孫必茂字本培振基子性穎悟能文工書由恩貢生保舉

潼關縣新志

人物志

七

孝廉方正素慷慨常以千金助關餉捐賑亦如之宵小誣以家有金穴司理廉其實將置宵小法必茂曰吾家素無欺凌鄉黨事仍婉求釋之銓永甯知縣永甯僻處居庸宣大東北去沙漠十里城外素駐重兵必茂散餉嚴明兵將咸服時盜賊充斥必茂偵得巢穴計擒渠魁置諸法一境肅清暇則衡文課試多士奮興旋以喪歸遭時喪亂隱華州小敷谷

孫必陽字嶧谷擴基子廩生工書清初豫王臨關委督糧餉授推官嘗拾賊金萬兩悉入官撫卹被傷士民時有難民多人君悉遞送還家然性戇嘗忤上官幾蹈不測卒得

昭雪自是不言世務優游林下著有四宜亭稿周易課兒
正法眼百將斷略

盛以達字子從文定公子副榜以恩蔭除戶部檢校擢本
部照磨摘發冒支官軍俸糧二千六百餘石盡追還帑遷
後軍都督府都事轉經歷剔奸飭法刮却陋規所隸十七
衛翕然頌之子昭之字明遠由恩蔭授中軍都督府都事
陞戶部主事已卯出督大同鎮糧儲出納平允人無怨言
庚辰大饑太原解餉十萬濟邊昭之收輸均平宣大軍士
悉感之陞員外郎管神樞營草廠剔除積弊有父風焉陞
郎中

潼關縣新志

人物志

八

孫紹烈大經五世孫襲指揮使崇禎七年流賊寇闔鄉紹
烈往勦斬首三百餘級奪馬騾八百餘匹賊潰逸闔鄉人
於其地立碑曰孫指揮破賊處張三省題詩於碑以誌不
忘

張爾猷本衛指揮崇禎十六年闖賊破關公守南城矢石
俱盡關陷公奮馬衝殺數十賊更入重圍殺數賊身中數
十鎗墜馬死祀鄉賢

盛以恒舉人任商城縣流賊破城殉難孫覺亦被執不屈
死

楊愈懋本衛百戶歷任總兵四川余酋亂征剿兵潰遇害

諭祭廕子

李繼祖本衛掌印指揮癸未城破死之子躍龍以戰功授守備崇禎六年正月隨總兵賀人龍剿流寇老回回於虢州斬之二月又斬一斗谷於歸德授韓郃營中軍十二月與賊過天星戰韓城敗之陞宣府鎮都司十三年剿流寇張獻忠中流矢督戰益急賊逃遁大捷欽賞銀牌蟒緞陞遊擊十五年與李自成戰南陽被十餘創死而復甦奉旨調養明年逆闖陷關遂終林下

盛昶之指揮以忠子襲職崇禎十六年闖賊陷城被虜強之西行不從罵曰我盛指揮也世受國恩有死而已恨不

潼關縣新志

人物志

九

手刃諸賊奴豈從賊乎賊怒縊殺之

孫升基環曾孫母疾奉湯藥閱月不合睫遂病目不能操舉子業由貢生授上林苑錄事以魏璫專權解官家居崇禎庚辰捐金助餉出粟賑飢多義舉癸未闖賊攻關分守西城時年七十有三勇過少年及城陷將伏劍賊止之且許以官升基大怒罵不絕口遂遇害

席蔭成八世孫襲千戶僉事崇禎癸未十月初六日闖賊入關挺身巷戰力不支被縛命之降蔭曰我世襲命官豈肯屈膝從賊王師下臨將分羹啖汝矣賊怒殺之碎其尸楊箴字君清端方正直尚氣節取與不苟崇禎十二年饑

施粥濟人葬無主死者數百人蓋嘗有隱德焉清初乙酉當歲貢作辭貢文固辭學使楊公璫嘉其義從之兵憲湯公私謚為貞惠先生先生子端本以及曾元仕宦蟬聯人豔稱之而不知其淵源有自矣

袁全庠生卽王大司馬之業師也耿介絕俗動容周旋必循規矩勤學好問未嘗疾言遽色彬彬有大儒風合庠稱為上古君子卒年九十餘潼關兵憲以儒林冠冕扁旌之清楊端本字樹滋楊箴子也順治乙未進士授臨淄知縣以廉明稱開淄西龍首渠淄有溫泉久涸至是湧出逮端本去官後泉復涸人名曰楊公泉侍親疾湯藥必親嘗處

潼關縣新志

人物志

十一

鄉里以敦陸親黨有不能葬者助以金嫻吟詠著有潼水閣詩文十六卷編輯關志三卷王新城稱其簡核有體兵志尤可備史家掌故卒祀鄉賢祠子樞楫樞諸生楫歲貢生授三原縣訓導侍端本疾兄弟同嘗藥經年衣不解帶俱以孝稱樞子瑞鱣十齡居父喪哀毀如禮華州王華臣異之妻以女旣長博極群書後選延川訓導不就優游田畝課子奉母以終其身楫子名鱣貢生性剛直居閭里排難解紛尤嫻吟詠工填詞官清水縣訓導勤於課士後卒於官宦囊蕭然著有烟雨堂詩草瑞鱣子鸞進士見後張大智少孤貧事孀母至孝母病數月醫禱罔效聞割股

可療乃於靜夜焚香默祝割左臂肉以進母嘗而異之問其妻妻以實對母大驚身發冷汗而愈訓導潘翼龍給扁獎之

負自立幼業農母患心痛百藥罔效一日默祝引刀割左臂肉烹以奉母母食而愈刀痕越數日亦愈

劉鶴鳴少孤傭工奉母母病劇思肉鶴鳴念割股可以醫疾因割股肉烹之以進母異其狀詢之以瘡患對卒不使母知

張荊州兒馬蘭鎮都司仰渠義子仰渠被逮伊犁荊州兒從行抵戍所爲帥府厮役以養其父又念母在馬蘭不得

潼關縣新志

人物志

十一

父耗星夜馳歸報母復往伊犁候父父歿典裝以殮無力歸櫬又歸求親族資助取父柩歸葬二年之中奔馳三萬里以過勞成疾逾歲卒妻石氏紡織自度爲夫守節趙鵬超曰吾觀張大智負自立劉鶴鳴諸人均以割股奉親此其事前人已數辨之吾不具論要之不有誠孝之心其孰能之至荊州兒以義子創爲艱苦卓絕之行其所爲尤難能哉爲人子者可以觀矣

徐振字抑之舉人官福建尤溪令政清民和邑人祝之祀名宦祠

李式祖字典企都司文煥孫好學通經史順治拔貢官四

川西充縣西充自明末亂後子遺僅存式祖與之休息勸農興學軫恤驛站民氣乃蘇上官報最稱其清如孔奮惠比魯恭云後官湖廣松滋縣松滋僻處西山道通滇贛時值用兵應付咸宜民忘其勞復修江堤清地糧代完逋賦士庶感德緣事罷歸時論惜之子登龍夔龍登龍由拔貢生任寧夏教授後陞安徽黟縣知縣以循良著黟有冤獄已擬重辟登龍覆訊得其情卒使昭雪邑人作歌頌之夔龍由拔貢生任華陰教諭捐修學宮置學田嘉惠士林在任十年陞廣東保昌知縣建樹尤多捐置義田施藥物創義學修縣志編審茶蠟稅額清白自持邑人德之子滋亦

潼關縣新志

人物志

十二

拔貢生官鄠縣教諭王心敬稱其教諭五載美不勝傳趙鵬超曰吾親式祖在官多善政卒里吏議乃其子孫蔚然並起天殆以培其後者彰其報歟由是觀之人果有善必不至於泯沒卽泯沒不過時日間耳豈終泯沒也哉

王駒字華封千戶納誨子康熙丁未進士官廣東河源知縣廉潔自矢愛士恤民鋤奸弊清刑獄除雜派勻力役邑人作歌頌之陞四川合州知州

孔天柱百戶文績曾孫康熙貢生官莆田縣丞崇文教尙仁慈清慎自持以終養告歸民留之天柱曰吾歸家當築小軒奉親顏曰閩旋以識不忘於是民謠曰侯今歸陝兮

編曰閩旋侯再來閩兮區曰旋閩官民相得如此
趙民牧康熙舉人官湖南黔陽桑植縣知縣多惠政致仕
歸出清俸以濟族姓之不能婚葬者日與故知優游田里
以自娛後桑植人思其德祀名宦祠

黃辰同知黃培子歷官交城長子曲沃陽曲知縣每蒞任
卽除陋規立義學理冤獄刺豪強以剛直被議旋起復攝
鄞淳諸縣檄賑昌化民不知災子鎮官貴州新城巡司擢
江西廣豐知縣亦有政聲

王文超貢生江西南昌縣典史護理縣事賄賂不行後以
終養歸士庶餞送餽贐概行拒絕惟受清官課子圖以歸

潼關縣新志

人物志

十三

薛叔鰲進士官福建安溪縣興利除弊雅重文學公餘卽
以課士民尸祝之爲立薛公祠

張起麟字瑞生進士廣東增城知縣革除宿弊政舉刑清
尤崇文教去官時民攀轅二百餘里又知河源縣教民於
隙地種麥以補不足濬湓河建鳴鳳橋以防漲溢建養正
書院時勤考課署永安縣有六疑獄久不決起麟至一訊
卽服歲饑行平糶法復捐資施粥以濟孤貧永安人爲立
祠祀焉著有省園雜著子四人仲子儲季子許尤傑出儲
舉人初任隴西教諭遷山西陽高知縣釐剔奸蠹以廉明
著建雲門書院延師課士乾隆乙未調大同適有水患捐

賑千金建倉厰設粥廠身親糾察吏無容奸許初任鹽場大使繼署新城知縣擒獲要犯擢蘭谿知縣勤於民事聽斷如神修學宮建節孝祠立培土會以掩遺幣建育嬰堂以全赤子修邑志築溢塘士人有公平正直明允廉能之頌署宜昌值教匪倡亂檄辦軍務墜馬傷股尤躡沒無廢事擢知州以終養歸著有滋畹存稿

楊鸞字子安乾隆乙未進士初銓犍爲知縣勸開墾平鹽課市價民便之後官醴陵攝長沙時民苦漕糧鸞平斗斛禁胥吏折納羨餘悉裁之日課書院如不逮旋知邵陽縣邵陽地雜苗猺素稱難治蒞任數月獄訟俱息乙酉分校

潼關縣新志

人物志

十四

秋闈所拔取多知名士素嫻吟詠溫柔敦厚如其人著有邈雲詩草聲調譜行世子二長詡四川知縣次訢增生

雷懋德字迪修旺十三世孫乾隆進士初任江油知縣值久旱禱雨端山雨隨車至後官定陶有干以金者曰天不可欺拒不納蘭陽堤決檄往勘時方賑饑或以停賑促之行曰緩將獲罪懋德曰舍一人以救衆生得罪所甘也竟以此被遣歸囊無餘金主關西書院二十年門下多知名士

周統文盛七世孫貢生官吳堡訓導詳請建名宦鄉賢祠調漳縣訓導其學以主靜居敬爲本潛心四子書著有四

書辨疑古學辨疑二編武功康南阿謂發前人所未發孫西峯謂關學一脈自橫渠後苑洛槐野二曲南阿後先輝映統其繼起者也兄紋弟諏俱貢生官訓導有聲

李嵩喬字鎮中新才裔去清字乾隆庚辰舉人借補平涼訓導旋調昌吉時昌吉以邊邑新造農事多疏嵩喬蒞郊勸耕修渠灌溉爲邑宰分治又按期課士令鄉里皆立學舍士民感德爲建教養坊以志不忘上官以嵩喬有幹濟才薦授湖北應山知縣下車日力除陋規庭無留訟禁男女毋得聚會誦佛積習爲之漸革後楚匪滋擾應邑肅清人皆服其先見弟嶽喬甲午舉人無意仕進專以教育人

潼關縣新志

人物志

十五

才爲己任一時化雨春風列鄉舉膠庠者多知名之士李文熊舉人歷任浙江常山寧海太平等縣知縣不尙操切人咸樂其寬大性淳厚恬靜寡言及與之商榷古今譚論風生或至達旦不倦嗣設帳於朝版教人以識字爲先嘗謂字畫不辨則魚豕之訛無已字義不明則璞鼠之誤滋多故生平於十三經正字辨音等編悉詳校而手訂之尤得爲學之要云

張澧中字蘭沚許三子嘉慶丙子舉人聯捷成進士籤分刑部主事升員外郎中署直隸大順廣兵備道洊擢藩臬歷任山西雲南山東巡撫授刑部右侍郎天資英邁事雖

艱鉅無不叱咤立辦。歷中外凡三十年，未嘗一請休沐。任事悉本忠誠，故能上結主知，下得民隱。宣宗嘗云：是真能視國事如家事，以民心爲己心者。著有居易堂奏稿纂輯、刑部律例根源、秋審實緩比較等書。後之官秋曹者，多資之。道光二十八年卒，諭賜祭葬。生平政績，宣付史館立傳。

張繡，中敦子，初入廳庠，有文名。歷官南康府通判、安福縣知縣、定南廳同知、寧都州知州。所在勤事慎刑，以循良著。張澄中儲子，官肇慶府通判，值洋匪不靖，檄辦海船，屢經執馘。署連平州，期年治獄務，期平允，士民有鏡察益冤陰。

潼關縣新志

人物志

十六

陽感德之頌，爲建祠祀焉。

張湘，任鄜州教諭，髮匪陷城，君整衣冠坐明倫堂，罵賊不絕。賊怒，殺之，並焚其屍。事聞，照國子監學錄，賜卹。世襲雲騎尉。

張樹莢，字衣如，巡撫澧中。季子，倜儻有氣，善騎射，以舉人議敘刑部四川司郎中。同治壬戌，家居，髮匪竄陝，君率鄉壯百餘人，伏村外，擊走之。左文襄聞君名，奏調新疆，積功特授鞏秦階道。以母疾，予告終養。服闋，閩文介曾思襄保奏，採買賑糧，以積勞病卒。周家口奉旨贈太僕寺卿。

杜堃，憲性寬厚，有雅量。少讀書，華山失一端硯，後見於友。

所恐暴其惡置弗問家有玉杯一棹不輕示人一日宴客僕誤碎其半君無怒容座客歎服及長理家政和藹可親然造次必於禮里黨之間無不愛而畏之一日出村外有盜其禾者君佯爲未見盜殊恐卽夜負禾請罪君慰遣之並返其禾然此猶屬君之末節其慷慨仗義尤有大過人者道光丙午歲大饑君積穀千餘石乃僱人修地以工代賑全活甚衆咸豐壬子以數千金輸助軍餉廳侯孫公旌其門曰好義急公今君之令孫蔭亭昆弟墮篋競爽光曜里閭其有以啟之矣

張志一字誠齋附生年十九歲率衆堵禦髮賊賊掩至衆

潼關縣新志

人物志

十七

潰被執繫村柱罵不絕聲賊目婉勸罵益厲賊捧飯喂君君含飯噴之遂遇害光緒二十四年舉人王鎮西具報京中忠義局奏聞奉旨褒獎

陶鳳超字雲畚舉人能文工詩超絕倫輩關中詩派多尙沉鬱先生獨能以清新出之才名藉甚傾倒一時歌行尤爲擅場吾鄉自有清以來中乙科者無慮數十人然能顯名久遠爲長老所豔稱者顧獨有先生著有清虛草堂詩集七卷同時有孫保字衡遼文思奧拗淵淵有深致名不亞陶先生顧於詩有未善屢中經魁均以詩故抑置副車一次詩未失黏名遂高標云

李光輝字子明少倜儻不事家人生產投身山西陸軍講武堂畢業後游擢陝西新軍一標一營營長宣統三年奉令駐防漢中君至卽以保衛地方爲職志兵民安堵民國元年有鄧某者挾衆入川沿途搶劫窺取漢中君痛擊之某遂竄走時值四川同志隊北伐某譖君阻撓民軍君未知也同志隊入城邀君赴宴遂遇害士庶建祠祀焉君性篤於故舊同鄉邂逅無少長皆親愛之雖極煩擾意弗倦以故人益稱之聞君被難時有馬稱名駿群爭取之被馬踢一人嚙一人皆殊死衆怒擊馬斃焉馬其殉君難哉異已

潼關縣新志

人物志

十八

陳同熙字會亭資性穎異博學能文年未弱冠卽登賢書清季由舉人考取一等官度支部主事卽潛事革命工作反正後選舉參議院議員多所建白聞有某議案或挾巨金囑君君峻拒之家雖寒素不以易其介也識量恢擴群以遠大期之不幸短命死矣人能宏道無如命何予蓋於君三致歎焉

甯述俞字子愚進士官度支部主事光緒戊戌變政君與諸同志銳意維新志雖未伸識已卓矣反正後家居不仕然遇事關桑梓有益公衆者罔不竭力爲之民國十六年閩鄉人欲潼人之納寄糧於彼縣者概行差徭衡之理勢

均有未安潼人大憤君爭之尤力云

明藝術陳康成善山水尤長寫意兼精醫理 周鼎胤善

草書尤工大字 裴繼度工行草 陳所修山水成一家

清藝術歐陽芳貢生工書法 閻 震魯山典史通岐黃

善草書 張育棟廩生工書法潼華諸楔綽多其手筆

楊鷺瑞鱸子工篆籀尤善刻印章鐫法古潔得者恒寶貴

之 管均江蘇人嘉慶間寓城內有顯者求見卒弗許後

徙南原太要村張姓竹林中蓋所謂隱君子也工奴書善

山水得之者珍同拱璧今遺蹟猶有存者然不可多得矣

張登連庠生工書法 僧然果善畫虎咆哮如生 張

潼關縣新志

人物志

十九

謚庠生工書法善騎射兼通岐黃 張恒精醫術聲稱藉

甚著有加減效驗良方 詹思謙增生善畫工篆隸 任

景延工書尤精畫貓 熊甲榮貢生精醫術 張在輿庠

生善書法學顏魯公得其神 郭理性古峭能潛修堪輿

壬遁之術皆有心得而尤精於算學方予之少時崇尚制

藝波靡一世君獨能於舉世不爲之際精研算術卒以達

其闢奧其諸古之所謂畸人者歟

予按藝術之中習醫者尤多惜近世人鮮深造以故多俗

工耳夫吾國醫學發明最早洞奧探微直窮造化遠非西

醫所及顧靈樞素問金匱諸編詞指簡奧領悟維艱如仲

聖載驚悸於吐衄下血脈證中蓋以此症多因血虧使然而自古註疏家卒鮮說明其他如此類者何堪枚舉然苟得其一足神其技矣猶記有詹某患水腫頭如斗腰如五石甕類廟中泥塑判官狀動止槃姍有客令殺黃母雞一忌鐵器買白商陸二三錢納雞腹用砂鍋煮極爛揀去商陸食雞肉並湯飲之初無動靜疑爲常劑至夜半小便忽行連綿不已盈盂傾盆及天明則骨瘦如柴水氣盡去面及身上虛皮垂寸許如衣褶焉見者爲之駭笑其神奇不可思議如此予按商陸爲利水之品固無疑義但未知用雞何意質之攻醫者亦多茫然後查方書始悟水腫多屬

潼關縣新志

人物志

二十一

脾虛而濕氣中之雞性甘溫補虛溫中色黃屬土尤能燥脾胃之濕忌鐵器者蓋恐因金生水取義至爲微妙宜其收效如神豈古之所謂禁方歟附識於此亦倉公列傳載及方案之意云爾

趙鵬超曰傳云立德立功立言古人謂之三不朽後世志人物者大抵於此取法焉何則孝弟節義德之屬也政績藝術功之屬也文學著述言之屬也外此而能傳者鮮矣雖然尤必擇其卓然昭著者乃可以範奕世而垂無窮此其意吾取之腐史矣太史公網羅放失舊聞至爲閎博然列傳之作僅乃七十茲可法也不然微行末節盡得濫廁

其中則直等諸無足重輕之數又何貴乎有此人物哉舊志叙次蕪雜吾故得而刪定之舉凡行詣之稍次者總其名於表中比之列傳雖有詳略之殊傳之將來要無疏漏之失斯亦史氏別擇之通裁也表列如左

類別忠 烈孝 友宦 績高 士隱 逸義 行

時別明 代明 代明 代明 代清 代明 代

王 珍 盛郁之孫必印 楊逢春 盛以恬 孫 璟

王 乾 藍 瑄 郭邦彥 清 代 盛以慥 孫敬祖

陳循儒官 錄 清 代 孫士馴 盛騰藻 劉盡孝

方 珍 周 相 李 密 葉文英 陳法言 姚忠孝

潼關縣新志 人物志

袁化龍 陳于殿 徐澤久 李 漢 張鼎新 清 代

田 勇 周光胤 徐澤宣 周 豐 孔傑儒 劉宏祉

清 代 清 代 孫玉基 姚瀾興 李行和 張家清

張 閱 畢之琦 周成己 張 震 葉邦盛 張 遜

張金湧 劉進純 張 敦 周錫玉 廖隆遇 牛涵純

陳 森 畢天機 徐大譽 蔡宏聘 彭永祺 張 誥

李孟得 王 珂 張瀚中 任 孚 趙大唐

郭永錫 王文炳 劉 侯 王克勤 趙元孝

賈欽貴 王斗聯 熊 震 盛兆瑞 任正誼

李登高 王建寅 潘 德 孫九成 李岳樟

潼關縣新志

人物志

二十二

楊廷 徐孟麟 翁承祖 劉日猷

趙永才 徐振河 王進祿 劉大鯤

郭大鵬 劉松齡 盧璵 李中孚

孫繩武 孫煥 王汝萬

藍芳 劉元珍 劉大任

牛維紀 甯廷樞 熊自信

雷朝陽 張華屋 劉超

楊金起 任正郁 許建寅

劉學德 杜永泰 雷毓秀

蔡鎰 張樹芾 潘振秦

楊樹本 劉士傑 劉中漢

徐高俊 張萬益 李訓

孫建業 盛來鸞 洛中清

張樹芋 徐慶元 梁建康

張繼廷 陳仰舜 方體心

張不猷 劉嘉祥 孟陞

張型 楊裕堂 方建齊

李伯元 薛鶴鳴 白恩寵

李昌 關士賢 雷大德

胡忠義 徐嘉遜 馬中驪

金川陣 賈登第

李承北

亡兵丁 張之廉

張大本

賈安等 李克廣

孫毓楨

八人 杜春華

賈大用

商南捻 雷彥儒

張九經

耳嶺陣 徐廷選

杜成棟

亡兵丁 徐佐清

劉國順

李花勝 王興勝

張翼

等一百 張純德

張大用

卅四人 王成典

周天顧

潼關縣新志 人物志

張龍 劉贊元

王之林

張魁忠 李恒謙

鍾大成

敷水鎮

劉日獻

陣亡兵

趙淑聰

張繼廷

李純庚

丁石琳

張訥

等四十

張尙中

四人

劉敏

吳崇盛

明列女史氏

英錦妻錦亡氏年二十有張氏朱英妻英亡

同姑孀居撫遺楊氏年十六許聘郭恒恒商湖南不歸父

孤守節終身配時女長議改嫁女剪髮誓守越二十

六年恒歸始人稱貞女韓氏生員孫元妻苦節終身崇植

四十有二矣旌表嘗鄭氏七歲苦節五十年俱贈親故自

具疏言狀奉旨旌表嘗鄭氏七歲苦節五十年俱贈親故自

熟錢宗伯謙益作銘節五十年俱贈親故自

指揮盛德妻夫遇難苦節五十年俱贈親故自

十年撫孤成立累封安人常氏千總田勇妻勇陣亡氏

治棺墓十日不食段氏大理張維任妻初大理誓以死殉不食者七日

大理張維任妻初大理誓以死殉不食者七日

繼室段氏年方少或勸偕守氏願之遂與段居一室出入

與俱及段卒夜半仰鴛死及詰鳩所從來許教授女潼儒

婢云昔七月不食時佩囊所貯至今也

學教授許嗣復癸未城陷殉難死至今也

不辱而死之時手猶堅持其衷衣見者傷之蓋一門忠

孝袁氏之盛耶張氏妻賁姓何氏明妻李氏歐蘇妻城蔣氏人

云袁氏之盛耶張氏妻賁姓何氏明妻李氏歐蘇妻城蔣氏人

潼關縣新志人物志

潼關縣新志

人物志

二十四

一

孔傑儒妻之城王氏生員宋果妻賊李氏陳瑞王氏總兵楊

陷被執死之難任氏城百戶尹君極妻徐氏城生員周鼎胤妻關

氏衛舍盛光之妻劉氏於京綱歸治喪畢自縊死楊氏

楊以貴妻城張文運孫女殺賊被周氏畢茂周氏妻袁茂官

義不受辱張氏張振德妻夫病沒婦年甫十八歲號泣欲

自縊死張氏張振德妻夫病沒婦年甫十八歲號泣欲

劉氏終年二十餘幼適士族陳辰畫書史氏軍監

喬遷高子諸生象觀妻也張氏儒官徐學禮妻癸翟氏貢

孫升戰死史與夫俱自縊張氏未城破赴火死

破投河死城范氏登重光妻城破被郭氏兵部尙書孫必

日不死劉氏指揮姚鎮妻夫亡劉年十七誓以死王氏太保

食死劉氏指揮姚鎮妻夫亡劉年十七誓以死王氏太保

寬次子植妻年二十一夫藍氏增生陳韶妻年二十庫氏

亡哭泣竟日夜數月卒藍氏增生陳韶妻年二十庫氏

郭建中妻年十八翁姑及夫俱亡庫懷孕未產每夜祝神願生子以延郭祀弟某促庫再醮庫矢志守節移居至親家以避及產果得子維針

王氏

陳德妻年二十一歲夫亡薄田數畝故事親撫子以終

其

王氏 李偉之妻年二十八歲夫亡事翁撫孤守節終身

關門閨闈之賢有清以來遠逾前代其有光於邑乘也多

矣顧以篇幅有限稍刪之則不安盡載之則覺贅無已其

維有歸納法乎歸納奈何曰總標名義於前而後以各人

之姓氏分注於下一曰貞烈凡有義不受辱視死如歸者

以之一曰節孝凡有柏舟矢志孝養翁姑者以之一曰賢

良凡有性行淑均稱名里黨者以之婦德雖多可概於斯

矣或謂人之事實詳畧不同渾括言之母乃太簡應之曰

潼關縣新志

人物志

二十五

否不然大綱既立美德斯昭又惡用瑣瑣縷述為哉至或

傳聞失實不能不為詳敘者又當別論然亦渺矣

貞烈十有六人 **張氏**

幼字馬寧未嫁

孫氏

諸生劉鴻發妻夫亡嘔血死

李氏

張自起妻夫亡縊死

吳氏

魏永吉妻夫亡自縊

趙小齊

幼字丁青雲夫病往侍之夫亡守以

終 **沈氏**

進士郭炳南宦蜀所納妾旋里後嫡遇之虐氏無違禮光緒元年炳南卒於太原氏聞訃截髮毀容

憤不欲生及柩歸櫛沐拜柩前隨即自裁予聞之長老云嫡室有遺行氏引為奇辱既痛夫亡又窃恐其逸已也不

如潔身以殉初毀其衣物次燭其女然後從容自盡悲乎壯哉凜凜義烈炳耀乾坤抑其知恥之重尤足加人一等

哉 **張氏**

者賓吳若虛

翟氏

廩生牛春祺妻髮匪

吳氏

吳寶田妻

夫亡 **劉氏**

附生嘉祥女適甯夫

適氏

增生劉凌川

仲熙氏

廩生劉映璧妻 **劉氏**

賈猷妻夫被賊擄三

程氏

巡檢李百鎰候補河

南時所娶妻百鎰病革慮死後家貧難以返葬氏銳任之
百鎰死氏徧籲同鄉卒得賻助歸其柩立嗣後乃以身殉
予聞之華陰史子明云爾時其先君官河南命彼往送賻
儀夜見氏穉齒盛容儼若天人而一種貞烈之氣凜凜逼
人因言奉柩旋里備極艱辛立姪某子為嗣擬將終身不
意姪忽膜視於予予豈復能為人乎語次意極憤惋子明
歸述氏語其先君曰氏之死其有決心乎未幾訃果至予
聞氏本磨房女地極寒微卒其所成嚙嚙若斯語云禮泉
無源芝草無根**朱氏**武生姚汝漢妻武漢與鄰人楊姓有
豈不誠然乎哉**朱氏**隙被楊姓兄弟五人毆死氏攔輿喊
控卒置三人於獄久之痲死者二其一病重保釋旋里路
經氏門氏手刃搥其腰未幾亦死在逃者二人終氏之身
不敢歸井里然氏仍連年控理將死時猶以未盡捕治引
為深恨壯哉氏乎以弱女子而伏數仇雖古烈丈夫不足
多也其殆巾**石氏**孫文岡妻氏寨居民國十年豫匪猝至
纏而鬚眉哉**石氏**執氏問婦女所在擄掠備至終弗肯言
後至茶苦難勝撲崖死婦女遂免於**辛氏**熊鴻鈞妻其父
難語云舍身取義其氏之謂也夫**辛氏**辛品三老學究
也氏幼嫻女箴嫁後數年失所天即以柏舟自矢今年纔
二十六歲聞予修縣志問節婦可載入乎或云須俟死後

潼關縣新志

人物志

氏即仰藥自裁予聞而歎之氏誠節烈然亦見庭訓之於人大矣哉

節孝五百有一人 劉氏郭宗儒妻 朱氏梁建中妻

畢氏梁廷儒妻 楊氏郭干城妻 姚氏徐恂妻 陳氏

吳克振妻 賁氏丁質銳妻 劉氏楊自茂妻 吳氏王

邦植妻 孫氏林樹魁妻 孫氏盛昇之妻 趙氏盛表

妻 徐氏陶緒武妻 楊氏陳黎隱妻 李氏向宏基妻

王氏劉彥妻 王氏周銘妻 李氏蕭讓妻 党氏李

克邦妻 王氏劉文玉妻 余氏楊輝祚妻 楊氏王植

蘭妻 周氏席有光妻 周氏盛騰鸞妻 王氏楊企億

妻 王氏趙坤妻 董氏周國柱妻 王氏周訪疇妻

李氏張瑄妻 羊氏楊世簡妻 蔣氏張鳳翮妻 劉氏
方盈妻 周氏關鉅妻 李氏吏目闕璧妻 張氏田立
本妻 劉氏宋紹殷妻 楊氏王典妻 王氏李榜妻
史氏生員楊鶴妻 李氏薛永清妻 范氏關天壽妻
席氏太學生盛熾妻 楊氏生員張棟妻 扈氏劉不猷
妻 金氏畢世占妻 楊氏茹有臨妻 薛氏生員李天
定妻 李氏劉起漢妻 馮氏生員彭壽妻 王氏馬成
順妻 李氏劉起模妻 張氏馬千里妻 張氏閻飛熊
妻 劉氏郭 妻 陳氏郭信妻 張氏易文正妻 李
氏廩生姚雲衢妻 左氏彭易妻 楊氏李岳秀妻 戴

潼關縣新志

人物志

氏王炳南妻 宋氏茹光財妻 李氏生員熊景行妻
安氏劉大飭妻 陳氏舉人畢爾熾妻 李氏王塋妻
曹氏李廷舉妻 胡氏畢爾耆妻 張氏彭承祚妻 張
氏劉廷妻 楊氏鄭國楫妻 劉氏張登甲妻 張氏王
家棟妻 趙氏徐天錫妻 張氏閻永昇妻 郭氏張伯
陽妻 張氏監生洛錫焜妻 李氏周隆選妻 周氏生
員劉景錫妻 楊氏馬中騏妻 李氏監生洛錫瑀氏
郭氏太學生張效巡妻 李氏孫大鰲妻 賁氏王右臣
妻 孫氏郭文理妻 王氏王大賓妻 楊氏盛獻忠妻
別氏李芳馨妻 王氏張綱妻 王氏蘇自敏妻 周

氏雷天章妻 馬氏袁中理妻 王氏廩生楊樞妻 張

氏雷天敘妻 張氏生員楊大觀妻 木氏雷復振妻

杜氏雷錦妻 王氏張班妻 王氏庠生闕鼎選妻 李

氏趙習禮妻 沈氏生員張厥常妻 王氏生員李湜妻

李氏吳夢祥妻 姚氏張池妻 陶氏張履恒妻 華

氏陳玉立妻 楊氏生員沈貞啟妻 劉氏張文升妻

徐氏闕先修妻 李氏監生徐夢麟妻 李氏王賓妻

華氏周鳳來妻 郭氏袁退修妻 趙氏張建翊妻 郭

氏周世浩妻 李氏劉顯祖妻 喬氏李寵御妻 安氏

進士趙起秀妻 嚴氏劉士麟妻 劉氏司廷用妻 員

潼關縣新志

人物志

二十八

氏王克祚妻 趙氏李在涓妻 董氏周秀妻 盛氏孫

龍竹妻 王氏張起鳳妻 張氏貞自成妻 任氏監生

李天錦妻 董氏武生汪奠邦妻 李氏周紀武妻 劉

氏增生韓穎儒妻 李氏王宏經妻 劉氏監生孫林生

妻 賈氏王密妻 井氏薛廷印妻 范氏施樹德妻

党氏李賢妻 李氏葉廷殿妻 汪氏楊驚妻 金氏吏

目楊培生妻 楊氏熊宏周妻 趙氏刁文郁妻 戈氏

生員李登錦妻 孟氏盧仲美妻 郭氏張清源妻 周

氏馬兆麟妻 王氏趙南星妻 此吾太高祖母王宜人也按祖母係華陰王宏學公

孫女宏學公與弟徵君宏撰公以文學相砥淬世稱名儒祖母幼秉訓箴識大義有古大家風舊志稱二十四夫亡

孝事翁姑子三歲撫育成立子亡又撫二孫成立苦節三十
十六年攷之家乘大致相合然於爾時家境之艱窘尙未
道其髣髴嘗聞先君子述先大父之言曰當祖母時家中
落門常自內局旬日間不少敢時王氏家甚盛按日給薪
米淒涼之狀雖旁觀亦爲扼腕祖母處之晏如也嗚呼難
矣渺子孤穉數世相仍親門庭之落漠機聲燈影悉助悲
酸而卒能含辛茹苦使衰簿之門祚綿延而光大之其於
磨鈍勵俗何如也載誦志文豈獨興眷念之私云爾哉五
世孫男鵬
超謹誌

郭氏監生李秀湄妻 張氏呂福隆妻 李

氏生員李發秀妻 賀氏楊福正妻 張氏孫華豐妻

劉氏高濟德妻 王氏郭玉成妻 王氏李建常妻 周

氏生員雷雲錦妻 白氏高元妻 張氏葉永春妻 周

氏孫貽泰妻 王氏李靖堂妻 歐氏徐成文妻 楊氏

李璋妻 孔氏王大德妻 陶氏楊九佳妻 留氏劉三

潼關縣新志 人物志

二十九

龍妻 章氏劉一元妻 黃氏李發源妻 孫氏李輝妻

石氏盛大金妻 陳氏張永成妻 張氏監生李近廷

妻 王氏王建柳妻 白氏監生司清漣妻 梅氏增生

雷廷用妻 亢氏藍才妻 吳氏生員宋寅賓妻 馬氏

李逢鰲妻 郭氏雷相元妻 陳氏張應魁妻 陳氏賈

大訓妻 張氏彭永祚妻 張氏司廷徵妻 許氏宋壽

妻 成氏生員李天澤妻 司氏孫繩武妻 孟氏歲貢

馬應熊妻 張氏劉建旄妻 龐氏楊鸞妻 歐氏賈復

昌妻 張氏高魁妻 適氏司上治妻 董氏孫天俊妻

張氏王計妻 李氏李書燁妻 王氏孫鵬遠妻 王

氏廩生楊維矩妻 宋氏閻廷獻妻 張氏張毓模妻
 董氏張昇妻 張氏李天德妻 石氏李指南妻 陶氏
 外委賈欽貴妻 孫氏王斗室妻 王氏張瑞鼎妻 任
 氏王文清妻 李氏王得喻妻 姚氏王斗北妻 張氏
 黃宗海妻 姚氏孫振鵬妻 董氏生員張瑞蕙妻 喬
 氏進士張起麟妻 楊氏庠生周良佐妻 劉氏孫大昌
 妻 李氏李鳳侶妻 張氏王化潤妻 王氏李廷機妻
 王氏孫林耀妻 白氏聶文熾妻 趙氏蔡貞年妻
 屈氏雷忻妻 李氏張中惠妻 廖氏白恩長妻 薛氏
 張瑛妻 盛氏鄭國章妻 張氏鄭堅之妻 尙氏雷霞
 潼關縣新志 人物志 三十一
 妻 楊氏湯加萬妻 馮氏胡其文妻 刁氏李英妻
 牛氏續仁妻 梁氏孫斌妻 徐氏李大紳妻 李氏張
 端妻 倪氏進士楊鸞繼妻 王氏柳興義妻 劉氏雷
 宗孝妻 吳氏張昌齡妻 秦氏生員閻圭璋妻 金氏
 楊喜才妻 鄭氏周鍾岳妻 張氏劉曰貴妻 劉氏袁
 永登妻 賈氏方伯鯨妻 張氏張大智妻 常氏任正
 邦妻 張氏劉悟易妻 周氏李建業妻 宋氏田元妻
 易氏劉發源妻 趙氏姜毓仁妻 張氏王斗燦妻
 王氏李建邦妻 張氏黎玉樹妻 張氏彭守信妻 張
 氏監生孟汝琇妻 趙氏劉蕙妻 姚氏聶彥才妻 王

氏楊維健妻 李氏周乃疆妻 楊氏熊探妻 任氏顧志華妻 嵇氏孫更新妻 楊氏白種藍妻 杜氏劉廷魁妻 史氏孫毓鳳妻 劉氏王輝武妻 黃氏梁開泰妻 李氏王生瑞妻 閻氏李遇清妻 馮氏闕允中妻 張氏王秉東妻 王氏劉行仁妻 宋氏陶大烈妻 負氏孔維統妻 呂氏薛德妻 王氏柳興義妻 蘇氏李仁妻 黑氏左克寧妻 張氏生員闕飛熊妻 李氏孫大吉妻 楊氏生員張志一妻 張氏石琳妻 王氏監生王惠妻 張氏賈凌雲妻 張氏祁恕妻 景氏孫兆瑞妻 張氏布政司理問劉天佑妻 張氏生員王文潼關縣新志

人物志

顯妻 趙氏張英昌妻 王氏劉忠妻 張氏張得祿妻

李氏劉瑞發妻 陳氏楊文翰妻 王氏廩生金鑑妻

王氏徐有智妻 吳氏楊兩榜妻 雷氏蔡蘭馥妻

安氏郭相周妻 劉氏宋獻捷妻 王氏劉必昌妻 周

氏劉域妻 屈氏生員孫學騫妻 成氏孫學詩妻 張

氏廩生孫驤妻 王氏劉泰妻 李氏孫尙樽妻 張氏

李德盛妻 張氏蔡綱妻 徐氏楊樹華妻 張氏鄉飲

耆賓賈逢春妻 陳氏甯克讓妻 劉氏甯克明妻 張

氏賈益妻 張氏劉永俊妻 汪氏楊敷崇妻 楊氏江

進善妻 馬氏孫尙炯妻 李氏楊緒財妻 張氏王依

仁妻 閻氏張坤元妻 辛氏劉照臨妻 戴氏張玉柱妻 樊氏蔡學智妻 吳氏劉文太妻 李氏賁主罷妻 劉氏金海妻 任氏張廷濟妻 朱氏侯毅文妻 李氏陳兆吉妻 周氏田德榮妻 劉氏杜慎徽妻 周氏薛凌謫妻 楊氏吳學元妻 吳氏劉勤妻 牛氏魏懷仁妻 郭氏薛鵬妻 卯氏李懷仁妻 張氏生員李遇時妻 陶氏孫枝達妻 薛氏廩生孫通妻 王氏武生任新選妻 王氏李寶善妻 張氏徐廷選妻 李氏趙曰績妻 徐氏李生發妻 李氏雷甲午妻 陳氏劉清春妻 張氏張稀哲妻 張氏杜永清妻 王氏張興業

潼關縣新志

人物志

三十二

妻 李氏王如彪妻 李氏郭奉儀妻 詹氏程世農妻

李氏秦有智妻 鄧氏羅雲湘妻 趙氏廩生藍芳妻

白氏司兆基妻 劉氏生員劉甲鼎妻 楊氏李永祥

妻 闕氏生員李芳田妻 華氏郭俊妻 閻氏石寶琳

妻 王氏賁發財妻 周氏劉豫妻 夏氏張儀暢妻

薛氏任伯元妻 閔氏監生薛鶴鳴妻 鄭氏孫萬銀妻

楊氏劉桐閣妻 杜氏趙繼盛妻 張氏趙德妻 劉

氏甯某妻 張氏賁生劉天春妻 畢氏劉奉詔妻 張

氏劉景芳妻 張氏劉噉岡妻 程氏劉翔岡妻 劉氏

傅新芳妻 趙氏李春榮妻 鮑氏李正春妻 夏氏監

生張綬暢妻 王氏張維暢妻 張氏廩生牛春祺妻
張氏蔡集驥妻 吳氏李掄元妻 杜氏劉照堃妻 張
氏張芳妻 尙氏陶生秀妻 蘭氏劉顧龍妻 胡氏張
克順妻 黃氏陳承蘭妻 宋氏耆民王九經妻 張氏
楊英灼妻 王氏馬三元妻 劉氏王正貴妻 郭氏李
永財妻 蔣氏生員孫尙斌妻 蔡氏蔡世友妻 梁氏
劉天佑妻 熊氏舉人陶鳳超妻 鄭氏朱延齡妻 樊
氏劉福堂妻 郭氏高俊妻 王氏王回生妻 王氏魏
增榮妻 師氏劉步箕妻 郭氏劉繞麟妻 張氏劉照
林妻 孫氏馬獻瑛妻 孫氏馬震妻 井氏韓同祖妻
潼關縣新志 人物志 三十三

張氏金永魁妻 李氏蔣懷謙妻 朱氏鹿永發妻

周氏鹿天錫妻 楊氏楊天章妻 劉氏武生閻登鰲妻

貞氏趙廉全妻 周氏劉佛保妻 任氏王萬福妻

王氏甯發源妻 杜氏楊廷榮妻 刁氏曹金秀妻 張

氏雷金聲妻 楊氏雷三江妻 王氏任督賢妻 張氏

雷天祥妻 李氏張遇隆妻 蔣氏奉祀生孫雲鳳妻

張氏廩生司亮采妻 丁氏劉鳳翔妻 閻氏高宗平妻

張氏劉長茂妻 王氏張金棟妻 成氏蔣生麗妻

劉氏楊自昌妻 郭氏陳白強妻 鞏氏徐承先妻 馬

氏蔣撫妻 湯氏徐士浩妻 姚氏徐士澄妻 郭氏生

員劉彥妻	郭氏徐士順妻	劉氏王寶泉妻	任氏趙
治琮妻	廖氏趙治理妻	梁氏陳美妻	葛氏賈獻貞
妻 劉氏賈獻文妻	薛氏姚繼虞妻	適氏劉雲祥妻	
王氏鹿崇兒妻	王氏劉保全妻	王氏陳壁妻	張
氏陳坊妻	劉氏高長佑妻	張氏王回妻	謝氏劉明
堂妻 楊氏湯萬里妻	李氏湯續財妻	張氏馬自敬	
妻 馮氏徐家瑞妻	章氏通判張繡中妾	孫氏趙照	
和妻 馬氏趙繼祥母	李氏雷動之	章氏生員	
張懷清伯母	范氏趙茂林妻	王氏生員武鉞妻	薛
氏徐好義妻	王氏劉忠妻	薛氏劉厚菴妻	張氏武

潼關縣新志

人物志

生姚惠榮妻兒媳康氏 張氏王壽陵妻 謝氏武舉劉

德俊姪媳 周氏劉景錫妻 徐氏王壽陵兒媳 李氏

王天垣妻 楊氏熊探德妻 雷氏蔡蘭福妻 王氏徐

有治妻 楊氏王永興妻 郭氏牛興隆妻 強氏徐進

祿妻 樊氏馬特起妻 閻氏廖北斗妻 張氏馬自敬

妻 馮氏徐甲瑞妻 劉氏王正桂妻 楊氏生員熊國

瑞妻 鄭氏生員金位嶽妻 馬氏楊鎖妻 王氏生員

楊蔭堂妻 鄧氏羅五鼎妻 程氏劉鳴岡妻 李氏王

回山妻 貞氏張慶堂妻 徐氏劉文生妻 劉氏李光

榮妻 王氏武興周妻

吾志節婦已作而歎曰觀節婦之多鮮不謂此吾國禮教之結晶也又孰知其功用之至弘哉予按榛狃之世倫理未彰人欲橫流其去禽獸也幾希有聖人者出因之定婚制崇節義以爲之防故吾國女界咸知以貞純自矢一與之盟終身不改既嫁而寡恥爲再醮遂養成高潔純懿之閨範冠絕宇內而人類之發達實基於此蓋嘗以物理學證之男女之媾合一則純再則亂三則病而孕育之天機卽隱受其戕伐觀於守正者多子淫奔者寡嗣其明徵也彼不達生物之理者又惡知明倫之足尙哉然此意亦惟吾國之先哲知之而他族罕悟

潼關縣新志

人物志

三十五

焉以故蒙藏苗蠻諸部落聚麀成性始與吾人爭強今則苗裔衰滅矣卽歐美各邦極意注重衛生雖乏天殤之害而生殖之繁亦視吾國蘇杭各省有遜色焉此其故可深長思也而醉心歐化者猶以自由戀愛爲美談津津然樂道之襲彼外人之陋習忘我內地之懿行直欲舉古先哲之禮法而弁髦棄之匪獨不仁之甚抑亦不智之極也豈不重可駭歎哉

賢良十有四人 王氏孫士元妻 彭氏諸生徐大聲妻

石氏教諭張敦妻 孫氏監生徐爾溫妻 楊氏庠生

任漢章妻 周氏從九品任正郁妻 楊氏州同方必正

妻 楊氏張偉烈妻 謝氏薛瑞卿妻 高氏劉棣繼妻
張氏監生劉士傑妻 任氏趙治軍妻 王氏增生李
景青妻 金氏張典妻

選舉志

明進士陳汝言

正統戊午鄉試壬戌進士授戶部主事以復辟功陞兵部尚書葛大紀

己酉鄉試癸丑進士河南郟縣知縣調繁上海以禦倭功

行取戶部主事歷郎中陞山西按察備兵左衛詰戎飭邊

樊皮嶺建威平堡蓋公籌也陞山西盛訥嘉靖壬子鄉

參政進階大中大夫有默齋集行世盛訥嘉靖壬子鄉

由翰林院祭酒歷官吏部侍郎兼翰林院侍講學雷旺

士贈太子太保禮部尚書謚文定公論葬祭有廕王之臣

嘉靖進士科分失考趙世德萬曆丙子鄉試癸未

官山西太原府知府趙世德萬曆丙子鄉試癸未

萬曆辛卯鄉試乙未進士由諸城知縣忤權貴左遷泰州

判陞彰德府推官行取刑部主事陞河南開封府知府山

西赤城道以邊才陞宣大巡撫晉兵部尚書督盛以弘文

師遼陽特進光祿大夫太子太保廕子錦衣盛以弘文

公子萬曆甲午鄉試經魁戊戌會試亞魁由庶吉孫振基

士歷官祭酒禮部尚書太子太保諡祭葬有廕黃門子萬曆

萬曆甲午鄉試辛丑進士歷任戶科孫必巖壬子鄉試丙

給事中贈嘉議大夫兵部右侍郎孫必巖壬子鄉試丙

潼關縣新志

選舉志

辰進士授戶部主事調吏部主銓政陞兵部右侍郎

舉人江湖廣淳單

誠成化己酉任孫大經弘治己酉係指揮應襲特授濮

頤弘治楊璉弘治戊午任吳璟弘治甲子歷陞劉

遂正德庚午任劉逸正德己卯歷李汝杜嘉靖庚子歷

張大龍嘉靖丙子為韓恭簡門人任四川重孟秋嘉靖

韓應期萬曆癸酉張惟任萬曆己卯由巫山縣行取御史

少余三畏萬曆姚更生萬曆蔣元化萬曆劉天惠萬曆丁

縣知縣進劉大忠萬曆癸卯歷陳瑞萬曆丙子盛以恒

淮安同知萬曆府同知陳瑞萬曆丙子盛以恒

萬曆己卯曹時新萬曆王鳳翥萬曆甲子孔傑儒天啓徐

振崇禎丙子尤溪知縣
李率祖崇禎己卯長山知縣
鍾景懷以下科分失考
鍾項

宜陽知縣 馬汝驤太平知縣

拔貢劉尚賓芮城知縣

副貢孫元嘉靖盛以達萬曆丙子

歲貢張元高陽劉榮河州馬能趙州謝兩安趙州

白又起清河余昌清河鄭化漢州李昂漢州

張又昭漢州陳道登州馮又驩登州官惠朔州

理王銘按察司楊學武城張輔武城楊深

夏津縣訓導 師善慶城都王又濟榮昌余欽鴻臚寺王又

通韓城孟泰韓城曹璟清海葉剛永昌

潼關縣新志 選舉志

周宗禮太原羅海保寧姚堅寧波馬自然晉府

江早晉府江章崑崙周文成崑崙何天民遂寧李

守正保寧韓謹保寧黎紀太原張玉清河

簿李繼臨清劉溥漢州李欽漢州歐銳漢州謝

廷蘭捷為史文明常州吳誠高唐周文舉晉府宋

玉晉府李鳳嵩縣王廷臣上津朱庠漢中王

蕃洛陽韓詔利津許璉楊讚蹇景隆

王廷相 黎庶 葉世奎南安余萬言 劉遇寧州

同姚守中 謝掄綏德秦民望確山陳中 張

醇斯河李生華 馬見圖漢池李汝姚長沙顧應

訓導 李生華 馬見圖 李汝姚 顧應

麟 薛承訓 靈州學正 關 寬 余廷圭 咸寧縣訓導 康來聘 林

鯉 邠州教諭 王應登 稷山教諭 陳應運 洮州學正 抑應薦 固原學正 王應第

真定教諭 林嘉微 陽曲教諭 曹國禎 莊浪衛教諭 余三汲 榮澤教諭 陳力

李如松 邯鄲縣訓導 徐宗魯 開封教授 孫希賢 安邑教諭 陳剛 沂州教諭 李茂

秀 陳所行 平順知縣 夏浚明 光祿寺署丞 盛 訥 鹿邑知縣 陳 瓚 富順

知縣 楊 筠 考授知縣 王必興 田應秋 上蔡教諭 陳康濟 麟遊訓導 陳所

以 澄縣教諭 藍 璿 鳳翔縣訓導 陳法言 南鄭教諭 薛 宏 綿州教諭 席 珍

寧夏教諭 孟修己 臨潼教諭 陳孺循 扶風教諭 張中薦 富順教諭 丁時盛 文縣教諭

劉芳名 富順教授 劉之英 周紹武 郿縣教諭 郭之紀 商州學正 趙奎光

膚施訓導 孫必胤 鎮彝所訓導 孫印精 康 泰 黃 裔 郭維

潼關縣新志 選舉志 三

秀 趙景祚 訓導 蘇 捷 徐 捷 訓導 朱國賓 吳堡訓導 余翊明

寧羌訓導 盛世皦 韓思愈 丁 丙 張星映 袁 榘

李先春 夏長尉 郭 琳 吳昌泰 楊士傑 余天

簡 張惟和 王 哲 周鼎允 鍾 禮 鍾 鳴

鍾應真 鍾應時 教授 鍾 恕 臨津教諭 孫士駟 孫必印 山丹教授

劉尙敬 徐 萬 周勳鼎

例貢謝景福 孫 璟 東城兵馬指揮 周鳳翔 王府典簿 薛邦清 府照磨

劉雲鸞 韓 煥 淮安同知 盛以惑 府照磨 韓 尊 王之珍

孫拓基 考州判 劉養氣 光祿寺署丞 趙昌典 盛曦之 廣東歸善縣巡檢

雷登第 玉田縣典史 郭邦彥 河澗縣丞 鍾清景 亳州同知 趙又抃 鄭城驛

丞孫升基上林苑錄事 余養才 孫擴基光祿寺署丞 盛紹之 陳

脈延

武進士盛愈謙南京前軍都督同知賜蟒玉諭祭葬 鄒國威保定總兵特進光祿大夫太子

太保賜蟒玉 楊愈懋四川總兵賜蟒玉諭祭葬恩廕 尹應聘遼東副總兵 張元勳

莫可尙 王乾遼東守備 鄒揚勳安定守備 李志岷州守備 趙之禎

古浪守備 鍾得顯科分失考

武舉王堯相 潘夫就 盛愈讓 貂應洪 趙寵

李文燁 劉馨 劉澄歸德守備 趙隆籍平番守備 趙之鳳

王應乾萬曆丁酉遼東守備 葛延崑 莫之禦 覃世恩 劉耀勳

杜光烈 劉爾通 韓志德 盧應龍 李重司 孟

潼關縣新志 選舉志

際德 雷寬 孫元

封廕孫雄原籍山東鄒平縣明永樂間以靖難功官羽林指揮襲封昭勇將軍移守潼關襲封九世

姚厚系出蒲坂虞裔籍揚州興化縣明永樂間以世職襲封昭勇將軍調潼關指揮使襲封七世

張杰明初以軍功授潼關指揮使

張顯原籍江南清流縣明初以軍功襲封十世

盛瑄原籍江南定遠縣明初以父聚從龍陣亡功授府軍右衛指揮同知調潼關封懷遠將軍襲封九世

李堂原籍山東鄒縣明初以軍功世襲指揮使嘉靖三年改潼關指揮僉事掌衛印封明威將軍襲封七世

關隆原籍河南開封府明初以軍功授指揮襲封

鍾得顯明武進士以軍功授湖廣指揮封

武毅將軍移鎮潼關襲封三世

沈永世

原籍江南華亭縣明初以軍功襲封懷遠將軍金帶指揮世守潼關襲封八世

郭定先

明洪武年間以從龍功由昭信校尉封明威將軍授潼關指揮僉事襲封四世

劉成

明初以軍功封懷遠將軍襲潼關指揮

席成

原籍河南滑縣明初以戰功封武德將軍世襲潼關左所千戶襲封八世

王盛

原籍江南徐州明初以戰功襲封昭信校尉調潼關所前正千戶襲封十世

王禎

原籍江南懷遠人明初以父源陣亡功襲潼關千戶襲封九世

李新材

原籍南京濠州明初以戰功授衛千戶三世九恩封鎮武將軍備守商雒襲次失考

廖斌

原籍廣西賀縣明初以戰功授荆州衛百戶至斌陞潼關右千戶所襲封六世

李應登

原籍山西洪洞縣明初以戰功襲封七世昭信校尉世襲衛千戶襲封七世

張成

原籍山東濟南人明初以從將軍徐達征戰功封昭信校尉守湖北荆州次潼關百戶襲封十世

潼關縣新志

選舉志

五

袁鑑

原籍江南全椒人明初以戰功授潼關百戶襲封八世

孔紀

原籍山東曲阜聖裔明初以從龍功襲封昭武將軍指揮使至紀改授潼關百戶襲封六世

劉音保

原籍江南吳縣明初以從龍功授人和衛百戶移調潼關襲封三世

劉彥忠

原籍河南內鄉縣明初以從將軍徐達征陝西功授總旗官世襲潼關百戶襲封四世

劉杰

明初以戰功世襲潼關百戶襲次考失

楊清

原籍河南洛陽人明初以從龍功襲潼關百戶封武毅將軍襲封七世

周官保

原籍江南宣城人明初以軍功授潼關左所百戶襲封六世

關自立

原籍湖北松滋縣明初以昭信校尉改調潼關衛百戶至自立已襲數世世次失考

張喜

原籍河南內縣明永樂間以戰功授潼關衛百戶襲次失考

盛以達

文定公子後府經歷

盛昭之

承宗伯公
夏督餉郎中
廕寧

王幼恒

承司馬公
衣僉事授遊擊
廕錦

王納誨

承王公
廕揮僉
乾

張蓋臣

承張公
廕揮僉
潛

關堂

承關公
廕揮同
鍵

盛愈謙

承盛公
廕揮使
德

楊祚隆

承總兵公
廕揮僉
公

楊祚昌

承總兵公
廕百戶
公

清進士楊端本

順治甲午鄉試乙
未進士臨淄知縣

張含瑾

順治丁酉鄉試
己亥進士宜興

知縣王駒

順治庚子鄉誠丁
未進士河源知縣

李密

康熙丁卯鄉試
辛未進士官吏部驗

潼關縣新志

選舉志

六一

封司員

袁正身

雍正甲辰鄉
試丁巳進士

楊鸞

乾隆丙辰鄉試
未進士邵陽知縣

起麟

乾隆丙辰鄉試
未進士河源知縣

趙起琇

乾隆辛酉鄉
試壬戌進士

薛叔鰲

乾隆癸酉拔貢
試辛巳進士安溪知縣

袁希任

嘉慶
戊午

南

同治壬戌進士
嘉慶丙子鄉試
丁丑進士刑部
主事歷任山西雲南山東巡撫

舉人余養浩

順治戊子
平陽知縣

李震龍

順治丁酉
建德知縣

克明

康熙辛酉
順治戊子

趙捷元

庚子
鄉試

方伯侯

康熙辛酉
耀州學正

張鐘

康熙丁
卯經魁

陳運熾

康熙丙子
肅州教諭

周延世

康熙壬午
周延壽

張

康熙戊子
知縣

邱含林

康熙庚子
張又旭

李呈御

雍正甲辰

廖焮

雷月升

雍正己酉
劉慶雲

周錫爵

乾隆辛酉
畢

爾熾

乾隆辛酉

周克起

乾隆庚午

任隆

乾隆扶風

庚辰教諭

周世煌

乾隆壬申

周

錫玉

乾隆癸酉

陳經

乾隆己卯

王良弼

乾隆榆林

庚辰教授

李嵩喬

乾隆辰應

山

知縣張瑞圖

乾隆延津

知縣袁鵬翥

乾隆耀州

教諭袁鵬翹

乾隆靖遠

教諭張

儲

乾隆丁酉

教諭

劉保

乾隆平涼

教諭李嶽喬

乾隆甲午

張毓南

乾隆丁酉

張

儲

乾隆丁酉

教諭

拔貢齊大謨

乾隆體泉

教諭李文熊

乾隆寧海

知縣蔡蘭薰

乾隆

教諭

李光斗

嘉慶

教諭

己西順天鄉試

李星撰

乾隆富平

教諭李星垣

嘉慶涇陽

教諭李光斗

嘉慶

教諭

李光斗

嘉慶

戊午副貢

張西銘

嘉慶甲子

司毓秀

嘉慶國子

學正劉燕桂

嘉慶

袁希謨

嘉慶

教諭

嘉慶長安

教諭劉瑞符

乾隆嘉慶

癸酉吳邵存

嘉慶

李文熊

嘉慶

辛卯

拔貢

劉若采

午西安

教諭劉若采

嘉慶

丙子副任景孜

嘉慶

辛酉

拔貢

陶鳳

嘉慶

候補

知縣孫尚直

道光西安

教諭李峯青

道光辛巳

李佩青

道光

甲辰

陶鳳

嘉慶

知縣

潼關縣新志

選舉志

七

超

咸豐戊午

袁錫慶

咸豐吳堡

訓導張樹葵

咸豐乙卯

韓琛

咸豐

己未

教諭

楊秀書

咸豐己未

孫保

咸豐

同治己巳

舉人王鎮西

光緒

壬寅

陳同熙

光緒

壬寅

保陞知縣

雷維揚

光緒己丑

陳仰舜

光緒甲午

陳志勳

光緒甲午

陳同熙

光緒

壬寅

丁未考職

一等官度支部

主事趙鵬超

光緒

壬寅

宣統

三年

分發

張之炳

光緒

甘肅知縣

張之炳

光緒

壬寅

丁未

致職

趙鵬超

光緒

壬寅

宣統

恩貢劉星焯

李人龍

商州學正

李漢

王斗魁

姚振基

王玉朗

魯瞻泰

趙育生

張海若

經宇

劉坊

蔡紳

景芳春

王清泰

楊清淵

雷贊育

雷鷹霄

劉莪

熊景彥

雷贊育

雷鷹霄

劉莪

熊景彥

薛步瀛

劉蘭

燄

拔貢周維武 盧瑀 李滋 孔天柱

縣丞姚奮翼 雍正癸丑張建翎 雍正己酉關化龍 乾隆辛酉王卉

芳 乾隆乙酉樂縣知縣楊詡 乾隆己酉韓瑞 道光丁酉韓

璋 道光己酉馬得思 咸豐辛酉雷鸞霄 同治癸酉孫枝發 光緒乙酉陳仰

仲 光緒丁酉楊霖 宣統己酉孫毓麟 宣統己酉畢爾壽 嘉慶甲子周慶 道光

副貢姚奮聖 武功教諭李三英 嘉慶庚申畢爾壽 嘉慶甲子周慶 道光

己亥韓世雄 道光庚子郭輔唐 光緒四川判官王希曾 光緒壬寅

官郵傳部七品小京官民國曾充漢中統捐局局長

歲貢孫徽 周紋 涇陽訓導宋徽音 理問余又謙 楊樹

三原訓導楊兆鱣 懷遠訓導楊瑞鱣 藍袞 楊名鱣 清水訓導鍾大

潼關縣新志 選舉志 八

成周寬 邱含琅 徐兆麟 徐澤長 雷必章

雷文澣 西寧訓導徐澤宣 興平訓導周成己 神木訓導周良士 周統

吳堡訓導周諏 神木訓導王典 鎮安訓導李鑑北 朝邑訓導徐澤久 山陽訓導

廖志宏 徐澤徵 徐仁麟 李長春 王訓 清澗訓導張

昕輔 張岸生 陳心元 陳萬春 甘肅訓導劉啟業 秦安訓導周

景璉 岐山訓導張建翼 張正元 靈台訓導黃家相 保安訓導黃鍾

張麟瑞 鄠縣訓導王化沛 甯鑽 趙民瞻 周錫疇 歐

聯芳 秦振 米脂訓導雷日升 王續成 夏陳則 周令

譽 定邊訓導姚瀾興 周世騏 隴西訓導李世穠 陶沛 王戊

辰 張席珍 三水訓導劉進純 劉大鯤 貞半階 李文龍

長武 雷丙灼 陳得新 翁紹祖 楊聯第 趙鳴鶴

劉學尙 蔡 綸 吳憲文 韓世俊 楊 琨 孫星

纏 程先登 黃清華 吳琮瑞 孫星彩 李 灼

劉 典 張聚齡 孫樹甲 熊甲榮 劉 曉 熊甲

鼎 鹿天慶 劉翼岡 韓光祖 孫 輝 許慕孔

李克謙 楊 琅 余國彥 趙思汴 趙思誠 劉聯

甲 王天樞 劉光宗 武 善 賈登第 石和鈞 五品

頂戴 候 熊 泉 清附生省立高等預科畢業獎給 趙思靖

選 縣 承 熊 泉 歲貢民國曾充陝西財政廳科員 趙思靖

省立高等預科畢業獎給歲貢民 馬世傑 省立高等預科

國曾充河南禹縣菸酒局局長 馬世傑 畢業獎給優貢 杜繼

優貢張仰厚 清廩生宏道高等預科畢業獎給優貢民國簡 吳家修

茂 清附生宏道高等預科畢業獎給優貢民國簡 吳家修

任職曾充河南督署軍需課課長兼各要差 吳家修

會充河南三河尖食戶捐局局長 吳家修

廩貢孔麟錫 盧克銓 孔天機 馬應熊 張 敦 武威

教 諭 趙 越 熊 震 長武 馬 塋 寧 陝 洛文鳳 候 補 關 蘊

王 郡 縣 李伯詩 定邊郡縣教 李伯禮 淳化 趙煦和 候 選 王

世傑 五品頂戴 趙德容 五品頂戴即選訓導 趙煦和 候 選 王

附貢關通亭 劉 超 王文超 南 昌 張 誥 徐孟麟

李中孚 馬 林 張從簡 縣 丞 劉如章 鹿天垣 寶 雞

功貢孫必陽 西延捕 盜廳

訓導山西澤 州府經歷

保舉孫必茂

永寧寶坻知縣

徐甫震

甘肅紅水縣知縣

闕鳳儀

附生

五品頂戴
候選縣丞 賈獻彩

例貢監李夔龍

徐諒

趙景普

孫建烈

劉狝漢

吳維漢

孔宗湯

王哲

雷靄

吳維藩

王

吉士 趙偉業

劉瀆

盧傳第

周易

周

書 馬錫祚

闕允升

馬士麟

周義成

宛平縣

黃元音

黃鐘

郭疇

疇

李福

蔭 信陽縣 喬

遷 太平縣

張景星

徐起

賓川縣

張元輝

董世昌

任福增

閻辰震

魯

楊中樹

戴仁

鹿含芝

劉沛

潼關縣新志

選舉志

十一

晟 寧鄉縣 王名昌

夏邑縣 茹彭年

益門縣 張彥士

廣平縣

李元芳

賁月桂

鄭臣

黃橋鎮

孫丕

基 信豐縣 鄭信

鄧州同 王體元

北城兵馬

金琳

陽曲縣

黃辰

徐訓

徐爾恭

獨山縣

寧維

廣西 賁浩

新昌縣 張文炳

石門驛 薛瑒

早財場

寧維

忠 安溪縣 王溥

吉州 鹿宗文

石門縣 薛遇春

零陵縣

黃

鎮 龍門縣 徐大譽

五河縣 周文學

山東 張尙忠

欽天監

張

楊斌

薛青照

張許

施南府

張

司 闕健倬

江寧府 張繡中

南康府 洛錫嘏

沅陵縣

張

粹 通判 張澄中

廣東 薛鼎卿

潛山縣 劉克己

江西

王藝

黍 安化縣主簿 雷 焜 官督學中軍

武進士周克勳 西甯游擊 韓世璣 康熙丁未 米 信 雍正癸卯 何宗鰲 乾隆

乙丑 游擊

武舉楊崇本 馬獨龍 劉三顧 胡 嵩 順治乙酉 蘇建武

順治乙酉

趙 成 康熙丙辰 王庭珍 康熙丁卯 張 桓 康熙丙子 張世基 王光表

乾隆戊午

欽 乾隆壬午 柳懋德 乾隆南協千總署都司 柳懋功 乾隆辛卯 張亮中

孟殿魁 乾隆甲寅 劉翼模 乾隆卯 薛 信 嘉慶壬午 劉雲達

陳丕基 嘉慶丁卯 牛驛剛 嘉慶庚午 廬大河 嘉慶江寧千總 劉

潼關縣新志 選舉志

占魁 嘉慶庚午 白茹蘭 嘉慶丙子 張雲翼 嘉慶丙子 喬鉞觀 道光乙酉 張丕烈

陳煥彩 咸豐壬子 孫兆熊 咸豐戊午 吳步元 同治庚午 王建武 同治庚午

孫可彪 同治庚午 孫成越 同治庚午 趙飛熊 同治庚午 張紹清 同治庚午 吳安

邦 同治庚午 劉德俊 同治庚午 張天朗 同治癸酉 張啟堂 光緒壬午 李 標 光緒

王武英 光緒戊子 王丕烈 光緒己丑 劉光烈 光緒己丑 閻思明 光緒己丑 閻

思聰 光緒辛卯 閻彥彪 光緒辛卯 劉浚鵬 光緒辛卯 雷震魁 光緒癸巳 李兆吉

張世英 光緒甲午 劉雲鵬 光緒丁酉

封蔭楊 箴 以子端本職 楊 樞 以孫鸞職

楊 楫 以子名鱣職 楊瑞鱣 以子鸞職

孔麟定 以子天柱職 張紹先 以孫起麟職

張開

以子起麟職

劉燧

以子慶雲職

雷世勳

以子懋德職

鍾鎮

以子鳴職

張家清

以子遜職

薛良玉

以子琇職

王鴻圖

以子良弼職

張敦

以子德中職

李國光

以子正理職

黃裳

以子鎮職

潼關縣新志

選舉志

齊鴻錫

以子大謨職

薛秀鸞

以子青照職

劉大有

以子僕職

喬運

以子發職

王從敏

以子武章職

陳發榮

以子武陣職

劉光祖

以子武都職

王天吉

以子振德職

李登高

以子蔚盛職

楊琛

以子武都尉

劉日欽

以孫慶雲職

雷敏林

以孫懋德職

郭之紀

以子懋職

鍾聲

以子義傑職

張起麟

以子許職

薛琇

以子叔鰲職

薛芳

以子儲職

張誥

以子林職

李文昭

以子嵩喬職

張儲

以子澄中職

李秀實

以子文熊職

馬浩麗

以子林職

劉大勳

以子餘泰職

李蔚盛

以父登高陣亡

郭得榮

以父永錫陣亡

李淳庚

以曾孫佩青職

劉耀武

以子武都尉

趙治軍

以子文都尉

楊景輝

以孫舒昌職

姚含芳

以孫玉麟職

姚津溶 以子世雄職 蔣全翹 以子自高職

趙從德 以子永才職 趙謙 以子中科職

劉廷桂 以子尙忠職 劉照基 以曾孫克仁職

劉堦 以孫克仁職 劉光宗 以子浚鵬職

劉鍾瑞 以子克仁職 李福得 以曾祖登高陣

張錫齡 以父湘殉難 張頌 以從軍沒蔭

中華民國中外大學畢業楊偉 北京清華舊制中學及

畢業化學王景曾 中國大學法律專科畢業 徐文忠 北京中國

張鈺 北京朝陽大學畢業 孫有慶 省立法

法政畢業杜繼延 省立法政學校畢業 孫有慶 省立法

潼關縣新志 選舉志 十三

汪士彥 省立法政 師範畢業楊定坤 清附生省立師

師範畢業楊敏祺 北京清華中學畢業現肄 王

舊學制中學畢業楊敏祺 業美國西部哈佛大學 鹿光第 山西第二中學畢業

侃 北京清華中學畢業肄 鹿光第 現充旅部書記主任 張

堃 孫榮慶 馬呈瑞 李增輝 戴鴻模 戴儉

李迺倫 孫中孚 陸仰靜 曾充團長 雷述祖 張廷蘭

徐呈祥 李鍾秀 曾充南縣佐 馬現瑞 衛尙德

女子師範畢業徐芳 省立女子師 楊敏貞 省立女子師

現肄業北平 曹養正 山西進城神道女 李珍卿 省立女子

畢業 **李明慧** 省立女子師範學校畢業

女子中學畢業李昭慧 省立女子中學畢業 **楊儀** 省立女子師範肄業三年現轉

入南京女子中學校

文職李宗唐 清附生曾充全國水利局副總裁 **李復三** 清附生曾充第一屆陝西省議會議員

徐國楨 清廩生歷任清湖神木等縣知事 **孫續康** 清附生曾任韓城縣知事 **闕葆貞**

秦軍二師模範營畢業陸軍少將銜歷充團長歷任新野民權鎮平等縣縣長 **甯萬中** 北京學校畢業

現充陝西財政廳科長 **張鍾靈** 陝西陸軍測量局及水利局局長現充陸軍十

七師軍需處長 **趙繩武** 清獎廩生曾充南路軍軍需處處長 **孫卓立** 秦軍二師模範

民軍東路總指揮部軍需處處長

武職劉尙思 清任甘肅督標中軍都司民國五年署副官長

潼關縣新志 選舉志 十四

張潤德 清任守備 **李光輝** 山西陸軍講武堂畢業曾充陝西常備新軍標統 **梁緝熙** 保定

軍官速成學校畢業曾充秦軍第二師部參謀 **徐國模** 清附生曾充國民二軍第

長 **王崇慶** 清獎廩生曾充甘肅陸軍二混成旅補充第二團團長

業曾充新編陸軍第五 **吳峻山** 國民二軍邯鄲軍官講習

師上校軍需處處長 **李穰華** 陝西講武堂

營長 **吳岐山** 廣東陸軍講武堂畢業曾充 **李穰華** 陝西講武堂

師長及游擊司令 **孫占鰲** 營長 **趙尙武** 營長 **李林** 營長

兵事志

漢獻帝建安十六年三月馬超韓遂等衆十萬屯據潼關
七月魏武曹操自將擊之八月至潼關潛遣二將渡蒲坂
據河西爲營閏月操北渡河兵衆先渡操獨與虎士百餘
人留南岸斷後馬超將步騎萬餘人攻之矢下如雨操猶
據胡牀不動許褚扶操下船船工中流矢死褚左手舉鞍
蔽曹右手刺船棧尉丁斐放牛馬以餌賊賊亂取之操乃
得渡遂自蒲坂渡西河循河爲甬道而南超等退拒渭口
操乃設疑兵潛兵入渭作浮橋結營於渭南伏兵擊破之
九月進軍悉渡超等數挑戰不許因計離間遂克日會戰
潼關縣新志

兵事志

一一

大破之遂超奔涼州曹追至安定而還諸葛武侯謂操殆
死潼關蓋謂此也

晉安帝義熙十三年三月將軍王鎮惡進軍潼關檀道濟
沈林子自陝北渡河拔襄邑堡攻尹昭於蒲坂不克秦主
泓以東平公紹爲太宰封魯公督將軍姚鸞等步騎五萬
守潼關遣別將姚驢救蒲坂林子謂道濟曰蒲坂城堅兵
多不可猝拔不如還與鎮惡并力以爭潼關若得之則尹
昭不攻自潰矣道濟從之三月至潼關紹引兵出戰道濟
等奮擊大破之紹退屯定城據險拒守遣姚鸞屯大路絕
晉糧道林子夜襲殺鸞紹又遣東平公讚屯河上以斷水

道林子擊走之七月太尉劉裕至潼關遣王鎮惡帥水軍自河入渭大破秦兵遂入長安秦主泓出降十二月太尉裕南還夏主勃勃聞之大喜召王買德問計德曰關中形勝之地而裕以幼子守之狼狽而歸正欲急成篡事不暇復以中原爲意此天以關中賜我不可失也青泥上洛南北之險宜先遣游軍斷之東塞潼關絕其水陸之路然後傳檄三輔施以恩德則義眞在網罟之中不足收也勃勃乃使其子瓚帥騎二萬向長安別將屯青泥及潼關自將大軍爲後繼

宋元嘉二十七年弘農太守柳元景使薛安都等大破魏

潼關縣新志

兵事志

二

師於陝斬其將張是連提降者二千餘人諸將欲盡殺之元景曰王旗北指當令仁聲先路盡釋而遣之皆稱萬歲而去遂克陝城進攻潼關據之上以王玄謨等敗退魏軍深入元景等不宜獨進皆召還

梁普通五年三月魏秦州莫折大提反陷高平大提死子念生代領其衆七年二月據潼關

北魏孝昌二年春正月魏肅寶寅反魏遣行臺長孫稚討之寶寅圍馮翊稚軍至弘農左丞楊侃謂稚曰潼關險要守禦已固不如北取蒲坂渡河而西入其腹心置兵死地則華山之圍不戰自解潼關之守必內顧而走支節旣解

長安可坐取也稚乃使其子彥與侃帥兵北渡據石錐壁命送降名者各還村俟臺軍舉三烽當亦舉烽相應無應烽者乃賊黨也當進擊屠之以所獲賞軍於是村民轉相告語雖實未降者亦詐舉烽一宿之間火光徧數百里賊圍城者不測各散歸薛修義薛鳳賢俱請降稚遂克潼關六年七月魏大丞相高歡反追魏主至弘農遂攻潼關克之進屯華陰

十月魏宇文泰攻潼關斬高歡守將薛瑜還長安進位大丞相東魏元年春正月大行臺尚書司馬子如都督竇泰韓軌等攻潼關宇文泰軍於灊上子如從蒲津宵濟攻華

潼關縣新志

兵事志

三

州刺史王熊擊破之

三年春正月東魏高歡遣司徒高敖曹攻上洛大都督竇泰攻潼關自將軍蒲坂造三浮橋欲渡河魏宇文泰擊破之竇泰自殺高歡撤浮橋而退

周大象二年相州總管蜀公尉遲迥舉兵相州討丞相楊堅堅遣韋孝寬將兵討之繼遣楊尙希鎮潼關以拒迥

隋開皇四年六月隋主以渭水多沙深淺不常漕者苦之詔宇文凱鑿渠引渭自大興城東至潼關三百里名廣通渠漕運通利關內賴之 大業九年六月楚公楊元感起兵黎陽帝命宇文述等擊之七月元感引兵西趨潼關宇

文述等躡之至弘農宮太守蔡王智積曰元感聞大軍將至欲西圖關中若成其計則難克也當以計縻之及元感至智積登埤大詈元感怒留攻之李密諫曰軍事貴速况追將至安可稽留若前不得據關退無所守大眾一散何以自全元感不從攻三日不拔乃引而西後果爲追兵所執 義寧元年九月唐公李淵帥諸軍濟河遣世子建成劉文靜等諸軍屯永豐倉守潼關以備東方兵慰撫使竇軌等受其節度十二月屈突通使桑顯和夜襲文靜營文靜悉力苦戰顯和敗走通勢益蹙及聞長安不守乃留顯和鎮潼關引兵將趨洛陽顯和卽以城降軍人執送長安

潼關縣新志

兵事志

四

唐天寶十四年十一月安祿山反遣封常清如東京募兵禦之常清與賊戰於武牢敗績乃帥餘衆至陝謂高仙芝曰賊鋒不可當且潼關無兵若賊豕突入關則長安危矣不如引兵先據潼關以拒之仙芝乃趨潼關修完守備邊令誠數以事干仙芝不從乃譖仙芝常清於上上大怒卽遣令誠齎勅斬之上以哥舒翰有威名且素與祿山不協召拜兵馬副元帥將兵八萬以討祿山並仙芝舊卒號二十萬軍於潼關常山太守顏杲卿起兵討賊祿山欲攻潼關至新安聞河北有變而還十五載正月祿山遣其子慶緒寇潼關哥舒翰擊却之時祿山議棄洛陽走歸范陽計

未決是時天下以楊國忠驕縱召亂莫不切齒又祿山起兵以誅國忠爲名王思禮密說哥舒翰使抗表請誅國忠翰不應思禮又請以三十騎劫取以來至潼關殺之翰曰如此乃翰反非祿山也或說國忠今朝廷重兵皆在翰手翰若援旗西指於公豈不危哉國忠大懼乃奏潼關大軍雖盛而後無繼萬一失利京師可憂請選監牧小兒三千於苑中訓練又募萬人屯灊上令所親杜乾運將之名爲禦賊實備翰也翰聞亦恐爲國忠所圖乃表請灊上軍隸潼關六月癸未召杜乾運詣關白事斬之國忠益懼會有告崔乾佑在陝兵不滿四千皆羸弱無備上遣使趣哥舒

翰進兵復陝洛翰奏曰祿山久習用兵今始爲逆豈肯無備是必羸師以誘我若往正墮其計中且賊遠來利在速戰官軍據險以阨之利在堅守况賊殘虐失衆兵勢日蹙將有內變因而乘之可不戰擒也要在成功何必務速今諸道徵兵尙多未集且請待之郭子儀李光弼亦上言請引兵北取范陽覆其巢穴質賊黨妻子以招之賊必內潰潼關大軍惟應固守以蔽之不可輕出國忠疑翰謀已言於上以賊方無備而翰逗留將失機會上以爲然續遣中使趣之頃背相望翰不得已撫膺慟哭丙戌引兵出關己丑遇崔乾佑之軍於靈寶西原乾佑據險以待之南薄山

北阻河隘道七十里庚寅官軍與乾佑會戰乾佑伏兵於險翰與田良丘浮舟中流以觀勢見乾佑軍少趣諸軍使進王思禮等將精兵五萬居前龐忠等將餘兵十萬繼之翰以兵三萬登河北阜望之鳴鼓以助其勢乾佑所出兵不滿萬人什什五五散如列星或疏或密或前或却官軍望而笑之乾佑嚴精兵陳於其後兵既交賊偃旗如欲遁者官軍懈不爲備須臾伏兵發賊乘高下木石擊殺士卒甚衆道隘士卒如束槍槩不得用翰以氈車駕馬爲前驅欲以衝賊日過中東風暴急乾佑以草車數十乘塞氈車之前縱火焚之烟燄所被官軍不能開目妄自相殺謂賊

在煙中聚弓弩而射之日暮矢盡乃知無賊乾佑遣部下精騎自南山過出官軍之後擊之官軍首尾駭亂不知所備於是大敗或棄甲竄匿山谷或相擠排入河溺死囂聲振天地賊乘勝蹙之後軍見前軍敗皆自潰河北軍望之亦潰瞬息間兩岸皆空翰獨與麾下百餘騎走自首陽山西渡河入關關外先爲之塹皆廣二丈深丈人馬墜其中須臾而滿餘衆踐之以度士卒得入關者纔八千餘人辛卯乾佑進攻潼關克之翰至關西驛揭榜收散卒欲復守潼關蕃將火拔歸仁等以百餘騎圍驛入謂翰曰賊至矣請公上馬翰上馬出驛歸仁帥衆叩頭曰公以二十萬衆

一戰棄之何面目復見天子且公不見高仙芝封常清乎請公東行翰不可歸仁以毛縻其足於馬腹及諸將不從者皆執之以東會賊田乾真已至遂降之俱送洛陽祿山謂火拔歸仁曰汝叛主不忠不義執而斬之

肅宗至德二載郭子儀遣其子旰及兵馬使李韶光大將王祚濟河擊潼關破之斬首五百安慶緒遣兵救潼關郭旰大敗死者萬餘人李韶光王祚戰死僕固懷恩抱馬首浮渭水退保河東

代宗廣德元年冬十月土蕃入寇上入陝州土蕃入長安上恐土蕃出潼關徵郭子儀詣行在子儀表曰臣不收京

潼關縣新志

兵事志

七

城無以見陛下若兵出藍田彼亦不敢東向上許之子儀使羽林大將軍長孫全緒將一百騎出藍田土蕃惶駭悉衆遁去高暉東走潼關守將李日越擒斬之

德宗建中四年冬十月朱泚反據長安其將何望之襲據華州潼關守將駱元光襲破之遂軍華州召募得萬餘人數破泚兵賊由是不能東出上卽以元光爲節度使

憲宗元和十年李師道襲東都數遣人入關焚倉場流矢飛書以動京師有司督察甚嚴終不能絕及劉悟殺師道田弘正閱師道簿書有賞殺武元衡人王士元等及賞潼關蒲津吏卒案乃知向者皆吏卒受賄容其奸也弘正送

士元等十六人召有司鞠皆款服悉誅之

僖宗廣明元年十月黃巢自將攻汝州欲薄東都宰相建言悉神策並關內諸節度使兵十五萬守潼關田令孜請自將而東乃說帝以幸蜀事帝自幸神策軍擢騎將張承範爲先鋒步將王師會督糧以飛龍使楊復恭副孜於是募兵京師得數千人時賊已陷東都帝餞承範於章信門承範辭曰祿山率兵五萬入關今賊衆六十萬過祿山遠甚齊克讓以饑兵萬人依託關下而臣以二千餘人防關恐不足守帝不許十二月庚辰朔承範至潼關搜箐中得村民百許使運石汲水爲守禦之備與齊克讓軍皆絕糧

潼關縣新志

兵事志

八

士卒莫有鬥志是日黃巢前鋒軍抵關下白旗滿野不見其際克讓與戰賊小却俄而巢至舉軍大呼聲振河華克讓力戰自午至酉始解士卒饑甚遂誼譟燒營而潰克讓走入關關左有谷平日禁人往來以權徵稅謂之禁坑賊至倉猝官軍忘守之潰兵自谷而入谷中灌木叢藤茂密如織一夕踐爲坦途承範盡散其輜囊以給士卒上表告急辛巳賊急攻關承範悉力拒之自寅至申關上矢盡投石以擊之關外有天塹賊驅民千餘人入其中掘土填之須臾即平引兵而度夜縱火焚關樓俱盡承範引兵八百人使王師會守禁坑比至賊已入矣壬午旦賊夾攻潼關

關上兵皆潰會自殺承範變服率餘衆脫走至野狐泉遇奉天援兵二千繼至承範曰汝來晚矣

後梁太祖開平三年六月劉知俊功名浸盛以梁主猜忌內不自安遂以同州附於岐遣兵襲華州守潼關梁主遣楊師厚劉勗等討之勗至關東獲知俊伏路兵使爲前導關吏納之勗兵直進遂克潼關知俊舉族奔岐

後漢乾佑元年護國節度使李守貞反於河中遣其驍將王維勳將兵據潼關招慰安撫使郭威與諸將議攻討威自陝州白文珂劉詞自同州常思自潼關三道攻河中於是守貞如坐網中矣

潼關縣新志

兵事志

九

宋嘉定八年冬十月元三哥侵金潼關不克遂自嵩山趨汴金人敗之元主次魚兒灤遣三哥拔都帥萬騎自西夏趨京以攻潼關不能下乃由嵩山小路趨汝州遂赴汴京金主急召花帽軍擊敗之元兵還陝州自三門析津引兵渡還金人專守關輔九年冬十月元取金潼關節度使泥龐古蒲魯虎死之十二月金胥鼎會師敗元人於平陽鼎聞元兵渡潼關卽遣必蘭阿魯帶徙單百家帥兵萬五千由便道濟河以趨關陝及元自三門津北渡至平陽鼎敗之金人渡潼關十四年十一月元入金潼關十五年秋七月元木華黎狗金青龍堡金平陽公胡天作降之木華黎

遂趨長安使太不花屯守之遣安赤將兵斷潼關

寶慶三年冬十二月元主臨殂謂左右曰金精兵在潼關南據連山北限大河難以遽破宜假道於宋宋金世仇必能許我我下兵唐鄧直抵於汴汴必徵兵潼關然以數萬之衆千里赴援人馬疲敝雖至弗能戰破之必矣言訖而殂

端平元年七月趙葵帥師會全子才於汴葵謂子才曰我輩始謀據潼關守河今已抵汴半月不急攻洛陽潼關何待耶元人聞宋來爭河南引師赴之決黃河寸金淀之水以灌宋師宋師多溺死

潼關縣新志

兵事志

十一

元至正十五年九月汝穎賊率武在應等攻陷潼關參政迷律傑戰死豫王何刺忒納失里同知樞密院使定住引兵復潼關河南平章伯家奴以兵守之未幾寇復陷潼關伯家奴兵潰豫王復以兵取之李武崔德敗走十七年二月李武崔德陷七盤藍田命察罕帖木兒以軍會答兒麻木兒守陝州潼關哈喇不花由潼關抵陝西會豫王定住同進討二十七年十二月詔分潼關以西屬李思齊以東屬擴廓帖木兒各罷兵還鎮於是關保保退屯潞州留兵屯潼關

明太祖洪武元年三月命中山王徐達爲大將軍帥甲士

五萬北平中原自河南至陝州李思齊張良弼會兵駐潼關火焚良弼營思齊移軍葫蘆灘調其所部張得欽薛穆飛守潼關達命宋國公馮勝等拔之兵入潼關攻李思齊營思齊棄輜重奔鳳翔四月以都督郭儉郭子興鷹揚衛指揮于光威武衛指揮金興旺守之八月元兵攻潼關于光持稍大呼橫貫其陣郭子興乘勝奮擊大破之

崇禎十六年十月督師孫傳庭東征失利奔關拒守逆闖李自成弟一隻虎陷閩鄉疾走至關獲督師大燾以給守關者乘間突入自成間道緣出關後來攻城遂陷監軍喬遷高千戶席蔭指揮張爾猷及李繼祖盛昶之袁化龍孫潼關縣新志

兵事志

十一

升基等俱死之

清順治二年正月豫王率總督李延齡渡孟津營舊閩鄉逆賊李自成率衆百萬拒關令僞汝侯劉宗敏營董社原豫王令炮擊大潰自成堅壁守之後英王由邊抵延安自成懼奔西安留僞巫山伯馬世耀守關豫王由金盆坡下安十有八營至寺南世耀詐降夜遣使潛通自成為伏路將官所擒王僞出獵安兵金盆坡口令設筵宴世耀擒斬之

宣統三年九月陝西起義鄉俠馬耀群率衆襲關廩生徐國禎等應於內城遂克協臺桂和被執道臺瑞清遁走不

數日清廷派陸軍至入關後旋因子彈不給引去陝軍逐之逮澠池陸軍已得子彈回首反攻一日夜蹕三百餘里復取關城占領之會袁項城有異謀制止前進未幾而共和告成矣逮民國攻守頻仍迭爲賓主雖有得失無關興亡不必書抑亦不暇書矣

藝文志

出關詩

唐魏徵

中原還逐鹿投筆事戎軒縱橫計不就慷慨志猶存策杖
謁天子驅馬出關門請纓繫南越憑軾下東藩鬱紆陟高
岫出沒望平原古木鳴寒鳥空山啼夜猿既傷千里日還
驚九折魂豈不憚艱險深懷國士恩季布無二諾侯嬴重
一言人生感意氣功名誰復論

題潼關樓

崔灝

客行逢雨霽歇馬上津樓山勢雄三輔關門扼九州川從
峽路去河繞華陰流向晚登臨處風煙萬里愁

潼關縣新志

藝文志

入潼關

張祐

都城三百里雄險此迴環地勢遙尊嶽河流側讓關秦皇
曾虎視漢祖昔龍顏何處臬雄輩干戈自不閒

秋日赴闕題潼關驛樓

許渾

紅葉晚蕭蕭長亭酒一瓢殘雲歸太華踈雨過中條樹色
隨山迥河聲入海遙帝鄉明日到猶自夢漁樵

行次潼關題驛後軒

飛閣極層臺終南此路迴山形朝闕去河勢抱關來雁過
秋風急蟬鳴宿霧開平生無限意驅馬任塵埃

潼關蘭若

來往幾經過前軒枕大河遠帆吞水闊高寺夕陽多蝶影
下紅葉鳥聲喧綠蘿故山歸未得徒咏採芝歌

潼關河亭

薛逢

重岡如抱嶽如蹲屈曲秦川勢自尊天地并功開帝宅山
河相湊束龍門櫓聲嘔軋中流渡柳色微茫遠岸村滿眼
波濤終古事年來惆悵與誰論

過潼關

溫庭筠

地形盤曲帶河流景氣澄明是勝遊十里曉雞關樹暗一
行寒雁隴雲愁片時無事溪泉好盡日凝眸嶽色秋塵尾
角巾應曠望更嗟芳靄隔秦樓

潼關縣新志

藝文志

二

次潼關寄張十二閣老使君賈

韓愈

荆山已去華山來日出潼關四扇開刺史莫辭迎候遠相
公親破蔡州迴

風陵渡

元趙子貞

一水分南北中原氣自全雲山連晉壤煙樹入秦川落日
黃塵起晴沙白鳥眠輓輸今正急忙殺渡頭船

二月風陵渡頻年兩見過羽書勞驛騎民力困徵科春到
花纔發愁來鬢欲皤烽煙殊未息天意竟如何

登潼關城樓柬諸指揮

明王傳

層城樓閣枕山河落日登臨感慨多虎豹當關通紫氣魚

龍吹浪見黃河百年鎖鑰神京路一劍風塵猛士歌北徼
狼烟猶報警元戎何以淨干戈

再入潼關

楊一清

三秦人逐使車還玉勅金符曉度關轉覺臣身衰似柳可
勝君命重於山籌邊亭在頌新令體國堂深識舊顏多少
前賢經濟略千年逸駕苦難攀

秋日登潼關樓

張 穉

歷盡崤函到此關天開絕境落雲間山谿有險湯池固刁
斗無聲漢戍閒萬里澄清浮爽氣一時談笑破愁顏閭閻
士女謳歌遍劍閣新傳奏凱還

潼關縣新志

藝文志

三

題潼關

李夢陽

咸東天險設重關閃日旌旗虎豹閒隘地黃河吞渭水炎
天白雪壓秦山舊京想像千官入餘恨逡巡六國還滿眼
非無棄繻者寄言軍吏莫嗔顏

雄關虎踞

林雲翰

西上秦川百二山雄關虎踞控三藩重岡疊嶂縈紆遠歧
路懸崖曲折還行旅謾勞問夜柝隱賢今喜待朝班等閑
莫起耿耿視爲問青牛更往還

禁溝龍湫

禁溝山下有靈源一脉淵深透海門龍仰鏡天嘯霧氣魚

穿石甃動苔痕四時霖雨資農望千里風雲斡化元乘興
登臨懷勝跡載將春酒醉芳尊

譙樓晚照

譙樓百尺倚晴空屹立關城勢最雄高閣遠臨霄漢碧危
欄斜照夕陽紅歸鴻點點爭先集落雁翩翩入望中萬里
海天雲樹杳憑虛更喜月朦朧

道觀神鐘

隔斷紅塵紫氣堆仙家臺殿倚雲開海鯨製就迷青霧追
蠡年深繡綠苔百杵敲殘天未曙千門響徹夢初回飄飄
環珮空中舉又是朝元禮上臺

潼關縣新志

藝文志

四

中條雪案

大地平鋪莫辨踪中條山翠失芙蓉六花凍結銀爲樹亂
粉堆勻玉作峯編鶴低回雲淡淡素龍蟠臥月溶溶豐登
喜見多嘉兆三祝堯仁效華封

秦嶺雲屏

百二秦峯亦壯哉四時景色護崔嵬氣蒸瑞靄雲屏擁光
絢晴霞錦幃開有意從龍朝象籟無心駕鶴上蓬萊何當
起慰蒼生望洒作甘霖遍九垓

風陵曉渡

周王曾此暫停輶陳跡千年今尙留傍圻人喧爭急渡開

頭棹疾逆回流滿川草積寒光映隔嶼波搖曙色浮幾度
臨瀾動歸興不堪惆悵重沙洲

黃河春漲

水泮黃河柳作煙忽看新漲浩無邊飛濤洶湧驚千里捲
浪瀾漫沸百川兩岸曉迷紅杏雨一篙春棹白鷗天臨流
會憶登仙事好借星槎擬泛鶩

入潼關

張維新

烽色何年息羈心着處迷瑯戈辭海上玉劍引關西夜月
風陵渡秋空鮑雁低古來雄百二珍重一丸泥

吊楊伯起墓

潼關縣新志

藝文志

五

洒洒松丘下儼然見漢官黃金一土苴白日此胸肝節峻
華峯削風清隴樹寒君名堪立懦百代碣重刊

潼關行

清陸元鉉

北風吹雪天冥冥河流動地雷冬鳴片帆如席竟飛渡關
樓突出連雲平此關改設自漢起桃林古塞巖基局倚山
爲城削精鐵環河作塹鞭驚霆關門峩峨開四扇兀若八
柱承天庭他如武關與大慶樓櫓一一高峻嶒是名三關
俱要害更以此地爲堅城其西禁谷扼喉隘細路險與猿
獠爭當關一夫荷戟立萬馬却走暗無聲自從哥舒債戎
事爲魚百萬刀砧腥以後大齊僭位號失守遽作興元行

雁門司馬亦人傑坐令賊騎紛縱橫是皆天卬據形勝云
何先後同摧崩卽如函谷昔未廢重關千里兵連營西來
重墮沐猴爾一炬遂使蒼天頽乃知恃德古有訓扼險猶
在無佳兵國唇國齒講地利無乃所見皆書生方今車書
大一統赤寰向化黃輿寧外猶臥鼓况內地設此豈以防
憑陵我從蒲坂溯潼水時清各路頌由庚道旁有酒且復
酌醉呵凍毫歌西京回看太華雪亦霽玉女擎出蓮花青

潼關

李因篤

雲薄關河紫氣長帝樞曾此撼嚴疆河經百二開天地華
枕西南鎖雍梁戍火忽移函谷月征車多帶灞陵霜舊京
蕭索垂千古飛輓何由接巨航

關潼

王士正

潼津直上勢嵯峨天險初從百二過兩界中分蟠太華孤
城北折走黃河復隍幾見熊羆守棄甲空傳犀兕多漢關
唐陵盡禾黍雁門司馬恨如何

潼關

李柏

雄關巖嶽鞏西京險甲中原天府名三國封疆分一水五
陵鎖鑰寄孤城王侯老去河山在揖讓風衰戰伐生割據
由來非一姓豈獨失鹿是秦嬴

潼關

許夢麒

鎖鑰西陲重鎮存巖城高踞壯乾坤長河一線封天險太
華三峯壓地尊漠漠寒雲秦樹遠離離衰草漢宮繁只今
形勝仍關輔百二誰同帝國論

亂後回關登津樓暮望

楊端本

天險重關控雍疆巖城崇堞鎖金湯大河中斷分秦晉絕
塞東連歷漢唐百戰蓬蒿埋故壘十年烽火照沙場譙樓
日暮鐘聲起衰草離離野霧黃
東征大帥潰西還妖火連天逼漢關總有鐵戈環紫塞任
教銅馬度秦山鴉啼枯柳秋風裏鬼哭青燐夜月間何事
丸泥無可恃孤城寥落水潺潺

潼關縣新志

藝文志

七

鳳凰山上日無暉血滿長壕濺鐵衣東郭不聞金鼓震西
郊空有羽書飛千家野哭人離塞十月霜寒夜破圍最痛
忠魂殉社稷屍殘馬革未能歸

百年文物豪華地廢苑荒臺寂寞秋客子無家依古寺故
人何處傍林丘黃沙壁壘悲殘戍綠柳河橋憶舊遊永夜
柝聲聽不寐五更畫角起山樓

花落荒城依舊春燕歸無復舊時人朱門破壁留殘照白
晝飛沙起戰塵幾歲烽煙遷岸谷數家茅店市河濱瘡痍
滿日生愁慘山麓漁樵自結鄰

畢孝子

楊鸞

若木既有根醴泉亦有源根源相回互間氣何益豈嗟彼
甕牖子力食良獨難豈不惜艱虞北堂有靈護黃鵠東南
飛哀音若杜鵑常恐寸草心不及松筠堅朔風激廣漠四
壁絕炊煙瞻彼商於道載咏南陔篇崑石鬱蒙茸履之凜
冰淵慈烏方啾啾白鶴竟翩翩松柏非不青塊苦非不寒
人間無白日地下無黃泉哀哉臯魚淚此義當經天銘旌
來萬里幽光終磷燹行人爲歎息歸報在貞賢不見階下
筍驚籜得龍孫

正學曲真儒僞儒辨

盛以弘

學者學爲儒而已儒之名一也顧學術不能無二三學術

潼關縣新志

藝文志

八

有二三儒品不能無真僞於是曲學與正學常雜出於儒
而真儒與僞儒每參伍於世蓋學而正必爲真儒學而曲
必爲僞儒此不待辨而明者然曲必托於正以樹標而僞
必假於真以求售是故研聖賢之簡編以晰理曰吾學爲
儒也依聖賢之宮墻以射利亦曰吾學爲儒也假靈竺乾
之幻妄譁衆取名亦曰吾學爲儒也據其行若同而察其
情則異聽其聲若合而考其實則判亦惟是幾微隱約之
不同耳而隱微之中不可控揣心可托而匿於迹迹可托
而匿於理吾將烏從辨之雖然天下未有內之不徵於外
者亦未有外之不本於內者譬之剪綵爲卉青碧紺紫驟

而觀之其色澤固足亂明徐而察之其神理當自立見眞
儒之學術常主於爲己僞儒之學術常主於爲人爲己者
闇然自修講誦章句以明道迪德立仁漸以完性外不
事赫赫之聲而探之中充然有餘味爲人者的然表暴探
索鈎深將以耀世標奇立異將以炫時外有皎皎之名而
測其中若敗絮康瓠蓋眞儒淡而僞儒豔眞儒之持論平
而僞儒之持論僻眞儒之學術正而無陂實而有據措之
躬則清明推之天下國家則順治僞儒之學術蕩而不返
曲而不衷措之身則頗僻推之天下國家則阻礙是故辨
之於言光明簡易者正而艱深隱僻者曲切近精實者眞
而浮虛弔詭者僞辨之於行純白端慎者正而回互隱伏
者曲質直惇朴者眞而多方矯飾者僞斯可得而辨矣蓋
有陽則有陰有晝則有夜是故有正則有曲有眞則有僞
物情之必然也吾恐世之不察使曲學得與正學同傳僞
儒得與眞儒並稱也於是乎爲之辨

題朝政日弛官僚日索請補大臣並下考選等事疏

張惟任

題爲朝政日見廢弛官僚日益蕭索懇乞聖明亟圖修舉
以挽頽綱以維昌運事臣至愚極陋無足比數皇上不以
臣爲不肖載命巡按中州伏自念力綿才弱任大責重鯁

鯁焉惟不克肩荷是虞然仰藉寵靈勉竭鴛鈍庶幾得當以冀報稱于萬一惟是臣跼伏旅邸候命二年私竊有概于中久矣今當遠役寧忍默默臣見我皇上比歲以來問出一令偶處一事皆非臣下意慮所能及眞天縱聰明不世出之主也誰不舉手加額稱慶無已但仰窺聖意一似迫而後應不得已而後起其于國家關係最要最鉅者尙未見留神省覽銳意施行輒敢忘其狂瞽之愚略爲皇上陳之臣聞自古帝王莫不以用人行政爲第一義故時雍風動之世猶然詢四岳咨十有二牧都兪吁咈動色相戒而太和在成周宇宙間亦惟日昃不暇食夙夜不敢康尊

賢輔政之爲亟亟也今天下何如哉物怪人妖向已示象民窮盜起近亦見形若二東之荒旱相仍若兩河之蝗蝻傷稼若閩廣之洪水漂沒若黔南之苗仲作梗若蘇松之亂民輒放火以劫奪若宣鎮之呼庚思掉臂而投虜此天下何等時也且邇來七日以內風火爲災正陽之坊毀如摧枯隆德之殿化爲煨燼是乃天心仁愛旣譴告之又從而警懼之矣假令三事九列之間元老當軸中外吃緊之地俊乂充庭獻納得關其說展錯得行其志卒有緩急猶可恃以無恐奈何一切視爲不急之務幾幸旦夕無事以爲安耶夫涉大川者必備舟楫構大廈者必備梁棟矧撫

鴻圖定四海有不藉賢良方正之選而修禮樂刑政之具者乎夫今之閣臣所謂平章國軍大事者也祖宗朝綸扉每三四人上以備顧問下以秉國成率精遴敷歷中外卓犖有聞者未嘗顯在詞林且揆席常煖期于協恭共濟耳茲內閣獨用詞林一途見在事者又止二員已非所以重鼎鼐之司矧次輔杜門日久陳情已悉尙望其肩鴻任鉅正色立朝乎當此時而不舉行枚卜則政本孤立誰與贊助必非隻身所能獨任者故閣員不可不亟復也今之六部都察院所謂八座之尊提衡百揆者也祖宗時衙門各設長貳朝序其職業夕商其可否皆博選老成有夙望者

潼關縣新志

藝文志

十一

布列左右要在綜事分猶政無愆忘而已乃官缺不補篆多旁攝初猶止一二衙門近則落落如晨星至如都察院風紀重地三堂闕無其人抑何以肅朝綱而糾官邪耶當此時而尙忍弗能予則諸務殷繁誰爲整頓必有廢弛而不修者故大僚不可不亟補也孰是朝廷耳目糾察之司夫非臺諫諸臣耶南北額設若而人豈其備員內之拾遺補闕外之激濁揚清責匪輕也今兩都則並稱乏人一人則常兼數事至于起復者不補考選者不下坐令索米長安壯心銷歇封駁巡察將何賴焉况催疏具在御前特一舉筆間而豸班鶯序充庭建明偉績自樹何不享衆正之

益而令其株守歲月乎孰是朝廷藩翰保釐之寄夫非司道諸臣耶省直額設若而人豈爲冗官或以總理錢穀或以整飭兵刑任匪細也近由調補來者因頓旅寓由賀覲行者久栖鄉里至于廢棄不復起遷謫不賜環致令墨吏犯科盜賊公行鎮懾彈壓其誰任焉倘將銓部補牘隨卽點用則旬宣明弼無缺振作輯寧有藉何不收得人之效而令其久淹林臯乎太倉太僕往可度支數年今且所在告匱重以兩陽不時饑饉海臻各省且仰給于京倉而都城數百萬生靈九邊數百萬將士卒有緩急何以應之皇上已允計臣之請業發數十萬金錢以濟邊儲三軍溫如

挾續倘無愛頻年之積更行大賚以寬民力並罷一切織造無名之費于凡阜財足民之術亟議修復則軍民獲更生之幸其荷仁恩祝萬年無窮極已神樞神機往皆常實不虛今且半屬烏有按藉則什伍相屬盡是食糧之人核實則占役多端誰爲荷戎之士卒有不虞殊可寒心皇上未俞樞臣之請虛糜數十萬糧草竟不開操三營習爲故常倘嚴諭府部諸臣日討軍實而淘練之按尺籍而覈實數老癯者更占募者禁則威武有復振之幾其備征討應撻伐有攸賴已刑獄國家大法宜平不宜濫者也今繫詔獄者八百餘人中豈無株連益覆而無所控訴者乎至如

懷忠抱赤之戇臣言甫出口而譴呵隨之久困園扉與諸囚爲伍非所以昭明允也臣願皇上大轉陽春之和俯念劉光復言雖逆耳心實進忠憫其母逾八旬望眼欲穿慨然發慈悲而釋放之是天覆地載之量也不惟累臣思竭頂踵將普天率土感頌聖度之優容矣興作國家重役不得已而後動者也今胡良巨馬二橋所費以巨萬計豈道路往來必待此而後啟行乎至如九重臨御之近地年復一年略不置意以至景色蕭索威儀黯黯非所以肅觀瞻也臣願皇上深惟締造之艱嚴諭各督監鳩工庀材日省月驗限以建豎之期落成之候毅然發帑藏以營繕之是

投珠抵璧之風也不惟復見當年輪奐將殊方異域快睹天朝之規模矣夫閣員補則密勿有同心一德之佐大僚補則部院有提綱振紀之人耳目聰明則見聞不致于壅蔽翰屏鞏固則區宇咸底于救寧優給軍需寬假民力則財源從此培養簡練營兵精核什伍則國威從此震疊狂狷清而淹滯解則和氣自召畚鍤勤而程限定則訖工自易凡此皆諸臣之所屢指而皇上之所厭聞者臣思爲久安長治之計實不外此卽欲創爲新奇可喜之談無當也惟在皇上設誠而致行耳乃臣所更慮者旱魃爲災河伯作祟無處不有亦無地不然東南倭警西北虜患無處不

備亦無歲不苦此豈晏然無事之時乎語云不見其形當
察其影詩云天之方蹶無然泄泄在臣下抱方蹶之憂而
蒿目蹙額披肝瀝膽仰覬天高而聽卑我皇上稱萬年之
觴而以規爲瑱以異爲常未見從人而舍己日居月諸將
何底止乎倘時事漸逼羽檄交馳欲任重臣以綜理而缺
懸刻忍急不得一臂之效欲委逸才以濟艱而久困巖穴
安所望一蹴之功欲用兵而兵無可用欲給餉而餉無可
給行見海內脊脊多事矣臣愚不勝杞憂焉伏乞聖明大
奮乾綱煥然維新乘春和時與天下更始用寰宇之賢才
行祖宗之善政庶幾易危爲安反異爲祥感召天和挽回

潼關縣新志

藝文志

十四

秦運此實一人無疆之福萬年有道之基宗社靈長之慶
也不啻天下臣民幸甚矣臣無任激切惶悚待命之至

節婦韓氏旌門銘

有序

錢謙益

崇禎三年吏部文選清吏司郎中臣必顯臣言曾祖父元
祖以諸生早夭曾祖母韓氏年二十有八毀容截髮瀕死
自誓力作以奉舅姑血淚以育孺子茹荼攻蓼五十餘年
州里言其狀監察御史將覆覈上請家本軍籍衛弁來索
賄家人欲予之韓嚙指曰吾誓死守節若以賄得旌是毀
吾節也乃罵絕之且死戒子孫勿復言旌表事臣祖承光
累年外吏臣父振基數月省垣未獲具疏陳請臣遭逢聖

明待罪銓部敢昧死上聞伏惟陛下鑒百年之苦節閔三世之死孝幸得表署其門如制令其自臣祖父以下咸死且不朽制曰可於是草莽臣錢謙益舊待罪太史氏謹爲之銘銘曰巖巖衝關下有潼水注河激華龍門伊始神區帝戶風氣完塞彼都土女淑茂厥德有美韓姑來歸於孫嚴霜夏墜所天不存雙雙華顛呱呱襁褓閔予幼稚哀彼篤老寒燈雨侵敗幃風擁哀哀血淚迸爲乳漣厥孤旣立母節未署伊誰抑沒韎韐跗注民彝有當天咫不遐挹彼注茲發祥厥家子應星郎孫拜夕闈曾孫趾美前光後輝乃扣帝閤抗疏請卹帝曰俞哉汝表汝錫崇臺綽楔銀榜

潼關縣新志

藝文志

十五

漆書天晶日明照耀里閭冥冥長夜墓木已拱寒灰瑄飛重泉波涌皇明如日靡幽弗燭孰云百年蔽此葦屋誰謂華高母節齊而誰謂潼遠母節逝而誰謂衝關峻不可仰烏頭雙表遠抗高掌舊史作銘勒諸樂石崇獎節義用詔罔極

潼關衛重修學記

呂 柟

高陵人
狀元

潼關衛學屬陝西而衛則直隸兵部蓋陝西之東境而河南之西塞也學宮在衛之右宣廟在學宮之左皆南面歲久圯壞漏敝於是衛指揮使孫君懋勳承宣重葺理焉自大成殿東西兩廡以至櫺星戟門皆易簷改棟變筵申移

其朱壁漆龕琉璃黝甃煥然生新而明倫堂四齋以及師宅生號亦皆次第重新考工始於嘉靖壬午三月落成於癸未冬十月於是士氣倍增文風丕振教授曹君璉訓導郭君隆學生王蕃謝憲諸人謀石頌功乃以太學生吳錦至京問記以彰懋勳於不朽曰嗚呼懋勳予於正德初筮仕史官取道潼關懋勳以父郎中天常先生方務試禮部乃襲其祖清軒先生之職當是時束髦不勝冠然儀貌語論卽雅飭類儒者常陰器其不凡後數年聞又力抗權宦雖瀕死而不悔則又未嘗不歎吾陝之有守也嗚呼是固宜有今日宮廟之舉乎且夫潼關險聞天下而壯在全陝

自成化至正德年來流賊遍毒九省而關中不擾豈真以其山巖之崒嶽兵革之堅銳哉則孫氏世守斯地之績亦不可少也昔晉郤縠悅禮樂而敦詩書祭遵雅歌投壺克敵取勝則懋勳其人也且斯學也自姚公深請建於正統其子琮徙置於衛西之後清軒先生亦嘗修於成化時矣而君能繩其祖武可不謂得孫道乎天常先生又常舉於弘治初矣而君能紹其孝思可不謂得子道乎夫宮廟之所申重者此二道其先務也乃吾懋勳已能身教斯士有提調之本矣豈啻一土木興作哉嗚呼衛之諸士其勉夫

我明萬歷四十有八禩潼人士創先達侍御張公覺菴生祠成來問記余曰夫曷祠祠曷記且潼有不朽筆曷余記曰維潼有河而環潼皆山每夏雨暴注則河挾山水汜濫北湧輒沖圯爲人害未有障狂瀾者幸公首議得院司道諸當路千金助公益捐幾半堤若橋悉甃以石自創建永利而河患以平潼學官弟子幸主上廣厲今科名駸駸盛猶然守國初制公又力請於督學用兩臺令題得旨增廩額貢額比於州而茹拔廣建明新書院置學田以昌明正學而斯文賴以不墜是皆不世功倣諸甘棠畏壘故宜祠宜記而先生方明孔孟之道與公并冠冕人倫故記宜先

潼關縣新志

藝文志

十七

生余乃進而言曰祠哉記哉是公所嘉惠於爾潼者哉爾潼抑安所徵天幸以有公也惠天下而并及爾潼乎哉夫潼據河華上游控崤函俯河水蒲版蓋周晉秦一都會而公尊甫鳳山先生崛起於茲以鄉進士試重慶理未幾投紱歸弔唐虞之遺風溯伊洛之淵源倣橫渠之精思力踐杜門著述允矣其身爲律度其教公也又皆窮經致用盡人盡物之旨是以公自弱冠舉孝廉益明習主計民瘼一出爲賢令爲名御史所至尸祝有由爾余不敏請勿記其功記其學勿記其貽記其報勿記其祠記其人人者主祠者也報者永貽者也學者表功者也學益明功益著矣報

益衆貽益遠矣人益親祠益大矣故願爾人士處爲眞儒
天下觀明新之學非學非士也出爲純臣天下蒙明德之
治非治非學也始乎潼愾乎天下而公於鳳山先生之庭
訓益有光是公之學公之貽公之功垂千百世不朽爾人
士所以報公者亦垂千百世不易則是祠微特比諸甘棠
畏壘而已卽尼山鄒嶧并峙可也不然叙經始計工費侈
規模公意當不在是又不然而徒登薦伏謁爲祠恐非爾
潼人士步趨先達也者余亦曷能爲若記曰唯唯願鐫諸
石懋勉焉永無忘先生言并無負公嘉惠之意萬歷歲次
庚申季春吉日

潼關縣新志

藝文志

十八

孫氏捐舍修學記

孫振基 給事中

昔鍾離意爲魯相出私錢付戶曹孔詵修孔子廟士論躓
之然未有捨宅而修之者聞姑蘇學宮係范仲淹所得錢
氏南園地以一家風氣公於萬衆而范亦奕世蟬聯卒食
其報若余先世捨宅事雖不敢希跡文正公而有功芹泮
盖亦有不可湮沒者關門舊無學嘉靖壬寅歲兵使四明
周公嘉意文教且雅善堪輿理遂鼎建初割敝廬之半繼
乃盡割之而先師廟貌乃宏廠壯麗方是時也余曾王父
太學公慷慨義烈以資雄里閏初聞修學之議卽毅然唯
命微獨稱上臺意旨若曰使地靈於吾子若孫何如靈於

諸青衿世世也余王父無祿早世遂呼伯父及沔縣公昆季商之咸不惜一枝之棲振斯文百代之脈於是盡捐其有周公獎借隆渥給以屯地二分辭弗受繼給以劉氏沒官房四楹亦弗受值纔當敝廬之十二三耳余孫自上世來自池陽徙居金陵稱喬木族迨一割再割別營居室而橐裝盡蝕稍稍中衰嗟乎苦矣然而不朽之功則在學宮計學宮成日自余太學公始而又引潼水自南門而入繞鳳山潏洄泮池關鎖旣密朝拱有情周公嘉意斯文之心於是大慰而余關門年來科第之盛人文之蔚及余孫書香亦繩繩不絕豈非廟貌之旣妥靈秀之攸鍾哉溯其淵

源蓋本余曾王父捐舍之力也昔稽中散園宅久矣邱墟而父老猶稱爲稽公竹林嗟乎時移世改誰有過聖宮而愴歎指點余居之坐落表先世之苦心哉此余致慨之由然也孫振基曰余上世自池陽來徙躡躑躅登受廕此土直逆旅人耳未幾而居第都雅號稱素封又未幾而捐產助學復仍貧窶余得之庭訓追憶往事蓋倍增悽惋猶記余舍植古槐一株金銀藤一株幾大於拱蓊鬱成蔭此與文正公手植槐樹何異惜哉古槐存而吾藤不與吾學並存也舍中庖廁間亦磚瓦布地時人咸重其遷卽監司周公亦低徊久之而曾王父義激於衷曾不少靳識度遠宏

矣余微靈先澤備員梧掖兒子輩頗能箕裘先業然常恐此段苦情泯泯後世故欲筆之以詔來茲竊觀今世道紛拏人情凌競彼不難操戈入先聖之室何有於俎豆片席地肯爲護持者昔蕭何不治垣舍慮爲世家所奪余非謂人敢有奪聖人之宮者然觀魯共王欲壞孔子舊宅以廣其居聞壁中鐘磬聲得不壞世亦有此痴人而宋李仲永侍郎自立義學建孔子廟後以衰微不能追紹先志曾孫有烈遂築室於其基竟得重疾言雖怪誕然明乎學宮之當崇崇則善小子識之無忘前人義烈之功德則余所藉手以篤先祜者耳其與平泉告誡之意異矣曾王父諱璟
潼關縣新志

藝文志

二十一

太學生應除兵馬指揮未任卒王父諱元廩膳生中嘉靖己酉副榜早世伯父諱重光隱於農不仕父諱承光選貢沔縣知縣周公諱相浙江鄞縣人癸未進士潼關兵備按察使

重建楊太尉饗堂碑記

湯

斌

雒陽人兵備副使

華陰城東三十里有漢太尉楊公墓按本傳公於延光中爲太尉以忠直被放歸卒於夕陽亭順宗卽位門人虞放陳翼詣闕追訟公事詔以禮改葬於華陰潼亭祀以中軍此卽其地也予以丙申備兵潼關展謁墓下見兵亂之後堂墓頽廢周垣盡圯蔓草荒烟碑碣縱橫於是愾然而歎

曰是余之責也夫會歲荒歉未遑興作越明年乃謀於縣令劉瑞遠起而新之爲饗堂三間峻其垣墉旁廡屏門渠渠巖巖碑碣之仆者起泐者續役罔妨農材匪帑出兩閱月而告成予嘗讀漢史至公事未嘗不嗚咽流涕云蓋漢至安帝而亂極矣王聖以保母之勤與女伯榮出入宮掖金吾常侍通貨賂至劉環一配阿母女得襲侯封而下詔爲起津城門內第舍連楹列棟窮山採石車駕東巡晏然不顧何其憊也當是時公卿大夫奔走貴戚惟恐不及而公欲以區區一掌力挽推波抑亦難矣夫地震星變天之所以告誡人主者乃反借以收太尉印綬何其繆也卒

之忠直旣殞寵幸益橫主勢孤危至於不測可勝歎哉或咎公以不早去嗚呼大臣之義不可則止豈公之賢而不明此乎意公以自高祖來楊氏世有功於國而公位列上相職匡社稷冀殺身而君或悟也當其時去明光之世未遠使帝側席悔過慨然於建武永平之不續屏絕寵倖委任忠直則東漢之隆倘或未艾觀其語門人諸子雜木布被數言千載而下誰不爲感泣者乃能致大鳥之祥而卒不能回安帝之聽此漢祚所以不永而公之無可如何者也於戲傷乎雖然公歿後子孫相繼爲太尉若秉若賜若彪並著清節衛主於崎嶇危難之際使卓曹輩睥睨神器

而不敢舉謂非公之餘烈使然歟儒者不察猥以潛身遠害之道議王臣匪躬之節吾未見其可也夫太華函谷之間由漢以來勲業著於當時名字勒於彝鼎者衆矣然皆湮滅無所考鏡至有牧豎箕踞嘯傲墓宮鄉里後進不復覩記四方遊士驅車之下亦無有肅然而起敬者而公自改葬以至於今雖屢經變革祠宇常有傾圮而子孫環廬居處歲時祭祀不輟今予一倡而縣令率其鄉士大夫響應恐後四方君子登其堂覽其跡者想見公之風聲氣烈猶低徊俯仰而不能去嗚呼是可以知公矣

哈提督傳

趙鵬超

潼關縣新志

藝文志

二十二

公姓哈諱連陞字易堂直隸密雲縣人少倜儻負奇氣沉毅英烈膽識軼倫輩有古名將風常從戎皖南北所向克捷屢立戰功爲多忠勇公所深器晉秩至記名提督賜號勁勇巴圖魯咸豐十一年擢潼關營副將年僅三十有五神采風發望而知爲偉人同治元年粵匪西竄由豫入陝循南山孔道迤邐數百里出渭峪折而東犯潼關翁赫召霍直薄城下關人久不睹兵革諭然震驚公帕首韉刀率民兵登陴誓死守連以巨礮轟賊騎數千賊稍却旋又繞南原窺險隙密造雲梯衝車分道夾攻公馳驟互應設方略悉破之又以鎗殪其渠酋如此六晝夜賊不得逞尋欲

渡河入晉公謂知道壯士縋城設伏斫賊營賊驚潰遂引去先是公初蒞關日討軍實備器械繕城隍築牛馬墻或以多事誚公至是賊圍城以有備獲免乃始知公之深謀壯略折衝機先洵非庸衆所能及豈不偉哉當其困守孤城內無赴敵勁旅外鮮蚍蜉蟻子之援賊鋒數萬輞輞殷殷刁斗聲徹城內一時人心洵懼風鶴頻驚崩潰之勢易若摧枯使非公經營布置誕爲保障則城且暮破離離衆庶悉罹鋒鏑正不知蹂躪之苦糜爛之慘果伊胡底也然而關人幸蘇而公禍轉從此始矣初賊至難民四轅廐沓蝟集城內戒嚴稽出入防奸細有紳某素驕橫靡遵約束

潼關縣新志

藝文志

二十三

公怒縛執欲斬以徇衆勸解某遂逸去會圍解回匪椒擾於西勝帥保督師入秦某夤緣爲幕府譖公意懷觀望嚴檄趣公赴省援時回黨盤踞臨渭間某蓋借此以陷公公知不免然迫於公命不得已遂行至華陰敷水鎮回果姦起公力戰被執幽繫浹辰不屈死從兵二百率殲焉免者僅數人訊至髦稚如失怙恃哭聲不絕閱數旬如一日予生也晚距公之死已歷三紀不獲睹其時事然每見吾鄉父老有言及紳某者猶切齒云

論曰寇亂以來死事者率得獎叙蔭子孫獨未及公誠憾事也雖然丈夫生世馬革裹尸固其素志紳某雖陷公然

公得以效死疆場歿於王事公則無遺憾矣小人之謀無往而不福君子信哉

趙門節婦任廖二宜人傳

自吾太高祖母王宜人以名族之女來嬪吾家柏舟矢志詳著邑乘煌煌然增吾族之榮寵繼其後者惟吾伯母任宜人與吾叔母廖宜人並垂大節實足以紹前徽而無愧光緒三年歲大飢吾伯父治琮公與叔父治琨公先後見背時吾伯母年二十六歲僅一女叔母年二十八歲僅一子卽吾堂兄鵬儀時方三歲伶仃孤苦不謀朝夕或勸之再醮伯母曰若輩得毋謂我爲無子乎惟無子更不可以

再醮無子而再醮是重傷亡者之心也吾何忍立斥絕之叔母則云無子猶不可再醮况吾有子尙可望其成立吾生爲趙氏人死爲趙氏鬼而已持論雖異詣各有當也伯母自孀居後潛心經典旁及淺鮮因果之書孜孜以勸導爲心老而彌篤常往來於潼華間薰其德而善良者數百家女界中稱祭酒焉叔母日以紡績爲事足跡不出里閭趨向與伯母稍異然淑慎寡言舉止胥中禮法族里嫻嫻翕然宗之則與人之敬禮吾伯母者又相髣髴焉至其冰霜之志松筠之操艱苦卓絕經百折而不回則固無幾微之或殊也豈不偉哉伯母卒於民國十四年十月享壽七

十有七叔母卒於民國九年七月享壽七十有三鵬超不肖終年在外均未請旌每一念及慚汗無地謹述梗概以俟後之闡幽君子得覽觀焉

胞姪鵬超曰當吾伯叔父先後棄養時惻惻獨立家貧子幼饋粥莫繼人世之不幸孰大於是然卒能矢志貞純揚麻百世以爲子孫光寵其爲幸又何如也蓋其不幸者在一時而其可幸者無窮期矣然亦豈獨吾家之幸也哉

周丕顯

李林

李成西

葉占花

催款人吳景鼎

陶彥林

馬逢樂

党文元

劉孜

周鳳岐

陳福祿

白虎蔚

潼關縣新志跋

志者史之一體也故匪有良史才者必不能爲良志然苟通其義則班馬之鴻裁日暮遇之矣何必古人吾師縮青先生學識淵粹迥邁恒流昔年所著歷史評語佛山集佛崖叢談早已風行宇內膾炙人口近更編成潼關縣新志八篇曰地理曰建置曰田賦曰官師曰人物曰選舉曰兵事曰藝文循篇而讀之詳而不纏婉而多風洵名著哉昔康對山志武功王新城稱爲巨麗先生之作豈愧斯言遙望關門蒼茫沉鬱河聲岳色增重千秋者其必在斯志也夫茲當發刊敬題數語用誌景仰云

潼關縣新志

藝文志

二十六

中華民國二十年二月岐山門人段民達謹跋



